

古  
今  
治  
平  
畧

古今治平畧卷之二十五

豫章

弟

鍾源長仁孺父較

武林

鍾源長仁孺父較

兵制篇

上

三代兵制

天生五材，誰能去兵。昔者黃帝有涿鹿之戰，以定火  
災。顓頊有共工之陳，以平水害。唐虞致治之極，猶班  
師振旅，四罪而天下服。夏有甘扈之誓，商有亳野之

師周武王克商以兵平天下天下既定猶立司馬之官設六軍之衆因井田而定軍賦天子王畿六軍大國三軍次國二軍小國一軍軍皆命卿二千五百人爲師師帥皆中大夫五百人爲旅旅帥皆下大夫百人爲卒卒長皆上士二十五人爲兩兩司馬皆中士五人爲伍伍各有長其令賦則以其地與民而制之司徒會萬民之卒伍而致之其在六鄉五家爲比五比爲閭四閭爲族五族爲黨五黨爲州五州爲鄉族師以時屬民而校登其夫家之衆寡及其六畜車菑

五家爲比，十家爲聯，五人爲伍，十人爲聯。若作民而師，田行役則令其卒伍，簡其兵器，以鼓鐸旗物而至。其在六遂亦如之。遂人五家爲鄰，五鄰爲里，四里爲鄣，五鄣爲鄙，五鄙爲縣，三縣爲遂。以歲時稽其人民，簡其兵器，有發以下劑致之。其大師出，前期鄉師出，法於州里，簡其鼓鐸旗物，兵器脩其卒伍，及期以司徒之。大旗致衆庶而陳之，以旗物辨鄉邑而治其政。令刑禁巡其前後之屯而戮其犯命者，遂師亦各帥其所治之民，而以遂大旗致之，不用命者誅之，乃車。

徒異賦均起法於田方里而井四井爲邑四邑爲丘  
丘十六井也有戎馬一匹牛三頭四丘爲甸六十四  
井也有戎馬四匹兵車一乘牛十二頭甲士三人卒  
七十二人干戈備具是謂乘馬之法一同百里提封  
萬井除山林斥澤城池邑居園囿術路爲三千六百  
井定出賦者六千四百井戎馬四百匹兵車百乘此  
卿大夫采地之大者也是爲百乘之家一封三百一  
十六里提封十萬井定出賦六萬四千井戎馬四千  
匹兵車千乘此諸侯之大者也是謂千乘之國天子

畿方千里提封百萬井定出賦六十四萬井戎馬四  
萬匹兵車萬乘是謂萬乘之國而車右掌軍車之政  
令凡軍旅會同合其車之卒伍而比其乘屬其右國  
勇力之士屬焉蓋徒起法於人車起法於田徒合於  
鄉師車合於司右而縣師受法於司馬會車徒之卒  
伍而用之而六師成也大槩鄉約二十五軍猶後世  
之京軍主居王畿爲國本者也遂亦二十五軍猶後  
世之畿輔軍各守衛其國都而拱護王畿者也至大  
司馬所握之六軍則通王畿千里之內更休而迭調

之故凡致民用之軍旅田役皆由鄉遂至於都鄙此  
公卿大夫各帥其采地之民而用之猶後世郡國調  
遣更番上直之兵也至其五服棊布則五國以爲屬  
屬有長十國以爲連連有帥三十國以爲卒卒有正  
二百一十國以爲州州有牧連帥比年簡車卒正三  
年簡徒羣牧五載大簡車徒而每歲中春教振旅以  
蒐中夏教芟舍以苗中秋教治兵以獮中冬教大閱  
以狩當其時什伍之法於州鄉則聯其民於師田則  
聯其徒於宿衛則聯其官故能以中國爲一人而無

內○忠○爲○屬○連○卒○長○以○聯○其○國○爲○長○薄○正○伯○以○聯○其○人○  
故○能○以○天○下○爲○一○家○而○無○外○交○矣○六○司○馮○以○九○伐○之○  
法○正○邦○國○其○於○天○下○也○大○則○有○方○伯○小○則○有○連○帥○如○  
身○之○使○臂○臂○之○使○指○各○適○其○事○之○遠○近○至○方○伯○連○帥○  
所○不○能○克○然○後○以○鄉○遂○之○士○應○之○於○此○見○封○建○盛○而○  
王○者○制○天○下○兵○不○用○而○自○爲○正○之○具○也○由○今○論○之○自○  
四○邑○爲○丘○四○丘○爲○甸○積○而○爲○百○乘○千○乘○又○積○而○爲○萬○  
乘○而○天○下○之○賦○定○自○五○人○爲○伍○積○而○爲○兩○爲○卒○爲○師○  
爲○軍○而○天○下○之○軍○立○然○萬○二○千○五○百○家○爲○鄉○萬○二○千○



五百人爲軍家起一人爲軍故六鄉爲六軍六遂亦  
七萬五千家則是合六遂六鄉可制十二軍矣有十  
二軍之衆而僅制六軍以見先王之不盡民力也王  
畿千里車萬乘而六軍通用千乘則所用特十之一  
耳大國百里車千乘而三軍所用則五百乘次國七  
十里車七百乘而二軍所用則二百五十乘是十之  
五耳小國五十里車五百乘而一軍所用則一百六  
十五乘是又三之一耳以見先王之不盡民財也不  
特此耳上地可任者家三人中地可任者二家五人

下地可任者家二人一井凡八家姑以下地言之則  
可任者十六而凡起徒役無過家一人則一井止八  
人耳故遂人曰以下劑致氓民雖受上田中田而會  
之惟以下劑爲率大率三百五十家賦一乘積六鄉  
爲千乘七家賦一兵積六鄉爲七萬五千人六遂及  
三等侯國皆通此數大司馬邇而征之七家相更以  
給於軍則王畿之內凡七十征而役一周焉諸侯之  
國凡十四征而役一周焉民年二十而事六十而老  
其間服役者不過四十年是王畿之民凡給役者半

歲而更則其民生一世之中而一役焉耳諸侯之民  
凡給役者一歲而更則其民生一世之中而再三役  
焉耳蓋小司徒伍兩卒旅師軍及上地中地地下地之  
任此教練之數也司馬井邑丘甸及戎馬兵車甲士  
徒卒之賦此調發之數也教練則不厭其多故凡食  
土之毛者除老弱不任事之外家家使之爲兵人人  
使之知兵故雖至小之國勝兵萬數可指顧而集調  
發則不厭其簡故每甸五百一十二家而所調止七  
十五人是六家調發共出一人而十六次調發方及

一夫也。誠以教練必多，則人皆習於兵革而調發必簡。則人不疲於征戰。又况此萬有二千五百人居，則爲北閭族黨州鄉會，則爲伍兩卒旅師軍。他日之五長兩司馬，卽平日之比長閭胥也。他日之卒長旅師，卽平日之族師黨正也。他日之師長軍將，卽平日之州長鄉大夫也。方平居無事之時，人聯家比，有教養之素，而恩義足以相結。及其倉卒有事之際，簡車閱徒，無招呼之煩，而死生足以相衛。然則兵不待選，皆吾民將不改置。皆吾吏有事則毆之於行陣，事已則

歸○之○於○田○里○故○軍○藏○於○六○鄉○而○弗○謂○軍○將○藏○於○六○鄉○  
而○弗○謂○將○以○蒐○苗○獮○狩○而○隱○其○振○旅○菱○舍○治○兵○大○閱○  
之○名○以○比○閭○族○黨○州○鄉○而○易○其○伍○兩○卒○旅○師○軍○之○名○  
以○井○邑○丘○甸○縣○鄙○而○晦○其○車○馬○甲○士○步○卒○軍○賦○之○名○  
以○軍○伍○而○會○於○教○官○之○司○徒○以○軍○禮○而○掌○於○春○官○之○  
宗○伯○以○軍○禁○而○徇○於○刑○官○之○士○師○司○馬○雖○有○統○兵○之○  
職○拳○拳○於○法○象○之○垂○汲○汲○於○政○職○之○施○而○於○兵○政○若○  
不○敢○專○焉○嘗○考○之○書○太○保○命○仲○桓○南○宮○毛○俾○爰○齊○侯○  
呂○伋○以○二○千○七○百○人○逆○子○釗○齊○侯○司○馬○掌○兵○也○

非有宰臣之命則不敢擅發石公承宰制命也非有  
二卿將命以往則不得專行是則兵無專將將無專  
權可見矣以至鄉遂之民屬司徒四時之田屬司馬  
閭師則受軍旅之戒於司馬鄉師則致役要之辟於  
司空蓋六軍之制寓兵於農本無兵之可統寓將於  
鄉本無將之可名又况兵權散出不專屬之一人有  
事調兵則天子遣使一牙璋發之其權又屬於天子  
是以兵滿中外居然若無至其四時之田凡師出曰  
治兵入曰振旅草止則曰菱舍簡兵則曰大閱今以

仲春而教振旅。則是教民之始而已。爲還田之期。以此見先生之不樂用兵也。特以戰不可以雖安而忘。民不可以不教而戰。由是乎有四時之教。然菱舍則。口如振旅。治兵則曰如振旅。雖曰坐作進退疾徐。疏數之節。皆如振旅之陳。而不用兵之意。已默寓乎其中矣。凡田。獲擇取獸曰蒐。爲苗除害曰苗。獸多可殺。曰獮。圍守不擇曰狩。今以仲春而行蒐田。則是致苗之始。已有愛物之心。以此見先王之不忍用殺也。特以兵不可以無名。而習曰不可以無事。而講於是。有

四時之田。然夏苗則曰如蒐。秋獮則曰如蒐。雖曰有司表貉誓民。鼓遂圍禁。皆如蒐田之法。而不殺獸之仁。已迭行乎其間矣。而又仲春則以辨鼓鐸銅鏡。仲夏則以楔車徒書契名號。仲秋則以辨旗物。仲冬則以詳坐作進止。各主其一。不盡求也。蒐以祭社。苗以享禘。獮以祀祊。狩以享烝。各以行禮。非暴物也。蓋田本肄武。而以禮終。獮本厲殺。而以仁勝。此之謂順以動而悅。以使乎大抵先王以天下之不可去兵。於是乎有治兵之法。以武事之不可明民。於是乎有寓兵。



○之○意○四○時○有○田○則○教○兵○不○爲○不○先○六○鄉○皆○將○則○蓄○將  
○不○爲○不○豫○尚○何○待○刻○畫○兵○號○而○明○示○之○以○毒○天○下○之  
具○哉○若○乃○天○子○之○衛○有○郎○衛○有○兵○衛○而○其○別○有○四○居  
則○有○宮○中○之○徒○役○公○卿○大○夫○士○之○庶○子○以○爲○環○列○腹  
心○之○衛○若○宮○正○宮○伯○之○所○掌○是○也○出○則○有○虎○士○八○百  
人○掌○先○後○王○而○趨○以○卒○伍○視○朝○則○在○路○門○之○右○若○虎  
賁○氏○之○所○掌○是○也○奉○輿○馬○督○扈○從○視○朝○則○在○路○門○之  
左○則○有○太○僕○以○掌○之○所○謂○侍○御○僕○從○罔○非○正○人○是○也  
統○其○兵○器○服○以○衛○王○之○門○外○朝○在○野○外○則○守○內○列○則

有司隸以掌之所謂使其屬勤國竟之隸是也然環  
列腹心之衛則爲尤重上急者不以昨而糾勸之一  
有不正之人混乎其中必能爲德行道藝之害此官  
正所以糾其德行稽其功緒勸以善也去其淫怠與  
其奇袤防以過也至於士庶子之在版者有保氏以  
教之有司樂以合之又有諸子以考之故宮伯均其  
秩而頒其衣裳均其敎而頒其誅賞如此則八次八  
舍之列孰非端人正士哉若夫虎賁之士臣隸之僕  
夷隸之兵雖不言其政教禁令然虎賁掌之太僕統

之師氏帥之司隸令之又况虎賁氏所掌八百人不  
言徒而言虎士則皆士人之有勇力者雖名爲兵而  
不聞一武夫悍卒放慢詭譎之人得厠跡其間平時  
夾階祀而立堂垂執劉鉞而秉戈刃者率皆冕弁之  
士是雖有郎衛兵衛之別曷常有文事武事之判耶  
且均之爲宿衛也宮正宮伯則統於太宰虎賁太僕  
則統於司馬司隸則統於司寇而師氏又爲司徒之  
屬何哉蓋官衛不可以不相聯而兵制不可以不相  
制官皆王官兵皆王民先王固無相疑之意而戎戒

不虞備存無患先王亦不能不先事而爲防合而觀  
之任征伐之兵皆出於農則無追呼名募之擾無國  
聚廩餉之費而民以農隙之時講武則旣因富而力  
強處宿衛之兵多出於士則無長淫導邪之失無祗  
凶邇逆之災而士以析廵之餘均教則又由教以知  
方矣此成周所以克詰張皇而制治未亂保邦未危  
也歟周道衰法度墮至齊桓公任用管仲而國富民  
安公問行霸用師之道管仲曰公欲定卒伍脩甲兵  
大國亦將脩之而小國設備難以速得志矣於是乃

作內政而寓軍令焉。故卒伍定乎里，而軍政成乎郊。連其什伍，居處同樂，死生同憂，禍福共之。故夜戰則其聲相聞，晝戰則其目相識。緩急足以相死，其教既成，外攘夷狄，內尊天子，以安諸夏。然而依倣周制，變爲輕利，實始使兵農異趨，何也？制國爲二十一鄉，工商之鄉六，而士之鄉十五。故有軌里連鄉師之制，自五家爲軌，積而至十連，爲鄉，爲三軍，教士三萬人，車八百乘。如鄉之法，制鄙爲五屬，立五大夫，使各泄一屬之政。故有邑卒，鄉縣屬之，制自三十家爲邑，積而

至十縣爲屬爲四十五萬家率九家二兵可爲三軍者四如遂之法通國之數而遂率之率軍則六之一士用十之三於是國中之士爲兵鄰里之民爲農兵不諳耒耜之勤而農不識干戈之事自是先王寓兵於農其意亡矣齊桓既沒晉文接之蒐於被蓋作三軍教其民其後又作三行以禦狄實六軍矣清原之蒐遂作五軍豈自知其僭而稍替其一乎是時楚益強大僭王號自武王始爲軍政作荆尸以伐滑廣而爲三軍成王時所謂車宮之甲若敖之六卒申息之

子弟往往非古至穆王接晉文襄霸之後厥貉之會  
陳鄭及宋受役於司馬以田孟諸時則有右孟左孟  
兩甄之制莊王圖霸邲之戰軍制備焉三軍爲正軍  
二廣爲親軍游闕爲游兵廣有一卒卒備之兩右廣  
初爲數及日中左則受之以至於晉內官序當其夜  
於陳則分左右二拒調卒之法商衆工賈不敗其業  
卒旅輯靡不好於事行軍之具則左轅左追薦前茅  
慮無中權後勁百官象物而勳軍政不戒而備楚是  
以強共王之時若公子與齊爲簡之師組甲被練皆

制名之康王時薦掩始并沃衍牧臬濕賦車籍馬而有車兵徒兵甲楛之數靈王斥地益大陳蔡不羹邑則千乘於是五師至平王又始爲舟師焉雖迭爲盟主總帥諸侯然其制已僭差又隨時苟合以求欲速之功故不能究王制嗣是浸以陵夷至魯成公作丘甲襄公作三軍昭公蒐於紅自根卒至於商衛革車千乘故邾人告吳曰魯賦八百乘邾六百乘蓋竭作也哀公始用田賦大變丘乘之制而民無遺力矣於是吳越乘時僭號上國若夫差犀甲之士十有三



萬人黃池之會三軍皆萬人此吳之兵也勾踐棲於會稽甲盾五千其始伐吳發習流二千教士四萬君子六千人諸御千人此越之兵也至於秦自襄公討西戎以救周平王東遷遂有岐豐之地列爲諸侯地與戎相鄰襄公脩其車馬備其兵甲武事備矣至穆公霸西戎始作三軍徽之役三師而車三百乘又置陷陣魯定公五年秦子蒲子虎帥車五百乘救楚兵力益以強盛及孝公用商鞅變法作什伍之制五戶爲伍十戶爲什百戶一里里有魁五里一郵郵有

十里一亭亭有長五亭一鄉鄉有游徼十亭一縣縣有令尉十鄉日聚聚有卒夫凡五年二十三傅之疇官則給公家徭役給郡縣一月而更謂更卒已復給中都一歲謂正卒已復屯邊一歲謂戍卒凡戰得一首賜爵一級蓋皆以戰功相君長昭王始有銳士虎賁八百萬車千乘騎萬匹而分三軍長平之役年十五以上悉發亦非復商鞅之舊大抵戰國之制勝甲以上皆藉爲兵而雄傑之士因勢輔時作爲權詐以相傾覆吳有孫武齊有孫臏魏有吳起秦有商鞅皆

禽敵立勝垂著篇籍當此之時合從連衡轉相攻伐  
代爲雌雄齊愍以技擊強魏惠以武卒奮秦昭以銳  
士勝世方爭於功利而馳說者以孫吳爲宗時唯孫  
卿明於王道而非之曰彼孫吳者尚勢利而貴變詐  
施於暴亂昏嫚之國君臣有聞上下離心衆謀不良  
故可變而詐也夫仁人在上爲下所仰猶子弟之衛  
父兄若手足之扞頭目何可當也鄰國望我歡若親  
戚芬若椒蘭顧視其上猶焚灼仇讐人情豈肯爲其  
所惡而攻其所好哉故以桀攻桀猶有巧拙以桀詐

堯若罪授石夫何幸之有詩曰武王載旆有虔秉鉞  
如火烈烈則莫我敢遏言以仁誼綏民者無敵於天  
下也若齊之技擊得一首則受賜鎰金無本賞矣事  
小敵脆則輸可用也事鉅敵堅則渙然離矣是亡國  
之兵也魏氏武卒衣三屬之甲操十二石之弩負矢  
五十个置戈其上冠冑帶劍贏三日之糧日中而趨  
百里中試則復其戶利其田宅如此則其地雖廣其  
稅必寡其氣力數年而衰是危國之兵也秦人其生  
民也陘隄其使民也酷烈劫之以勢隱之以阨徃之

以賞慶道之以刑罰使其民所以要利於上者非戰  
無由也功賞相長五甲首而隸五家是最爲有數故  
能四世有勝於天下然皆干賞蹈利之兵庸徒鬻賣  
之道耳未有安制矜節之理也故雖地廣兵強鯁鯁  
常恐天下之一合而共軋已也至乎齊桓晉文之兵  
可謂入其域而有節制矣然猶未本仁義之統也故  
齊之技擊不可以遇魏之武卒魏之武卒不可以直  
秦之銳士秦之銳士不可以當桓文之節制桓文之  
節制不可以敵湯武之仁義故曰善師者不陳善陳

仁○義○而○已○矣○文○之○所○加○者○濟○則○武○之○所○服○者○遠○德○之○  
所○施○者○博○則○威○之○所○制○者○廣○三○代○之○盛○所○以○至○刑○錯○  
兵○寢○而○不○用○者○其○本○末○有○序○其○施○行○有○統○也○秦○政○乘○  
四○世○之○威○據○山○河○之○阻○窮○兵○力○以○毒○天○下○既○滅○六○國○  
分○天○下○爲○三○十○六○郡○郡○置○材○官○聚○天○下○兵○器○於○咸○陽○  
鎖○之○示○黔○首○弗○復○用○講○武○之○禮○罷○爲○魚○抵○而○北○築○長○  
城○以○拒○胡○置○戍○焉○又○南○戍○五○嶺○秦○民○見○行○如○往○棄○市○  
因○謫○發○之○先○謫○發○吏○有○臯○及○贅○壻○賈○人○後○以○常有○市○

籍者又後以太父母父母常有市籍者戍者曹輩盡復入閭凡在里門之左一切發之謂之閭左之戍未及發右而二世立復調材士五萬人以衛咸陽民不聊生人情騷然而勝廣起矣是時楚兵百萬而秦發近縣不及乃赦驪山徒奴產子以擊盜及關東盜賊益熾又發關中卒以擊之蓋章邯三歲將兵亡失已數十萬坑於楚者又二十餘萬而燒關下將軍皆賈豎一啗於利沛公入而秦遂亡常追維之商鞅破田不過斤大疆理以便耕聚亭郵鄉縣猶古遺法然而

古○人○寓○兵○於○農○藏○川○不○出○是○以○民○習○於○教○而○無○鬪○狠○  
上○藉○其○力○下○安○於○義○自○鞅○始○明○以○戰○縣○爲○刑○賞○以○多○  
殺○爲○爵○級○以○佞○鬪○爲○後○隸○斯○民○要○利○於○上○非○戰○無○繇○  
繇○是○秦○人○之○俗○尚○武○黷○棄○禮○義○雖○能○卒○致○強○盛○而○自○  
焚○之○燬○具○矣○昭○襄○之○際○徵○調○無○度○民○非○商○君○之○舊○至○  
於○始○皇○混○一○罷○講○銷○兵○意○謂○士○散○於○天○下○而○利○器○專○  
於○京○師○可○以○彌○患○不○知○斬○木○揭○竿○無○非○戰○卒○且○蒼○頭○  
廝○役○往○往○皆○賈○勇○豪○傑○也○養○成○戎○心○困○以○苛○政○彼○干○  
賞○賄○利○而○無○禮○義○之○習○何○有○於○秦○哉○盜○遍○山○東○二○世○



不悟方且納趙高之邪計過爲阻深以示强大章邯  
百萬之師勢在呼吸長史欣請事咸陽留司馬門三  
日不得進此秦之所以亡也嗚呼豈盡繇兵弛哉長  
城五嶺阿房驪山之役使健卒壯士徒虛耗於無用  
之地靡瀆於不切之工是自潰其衛也且此降而坑  
於諸侯者夫非卽曩者剪賁以之橫行天下誅滅六  
雄者耶國有興衰而士之勇怯頓殊何也况使爲將  
者畏議譖避誅責而降初亦未甚敗衄也然則豈兵  
不勝之咎哉

章氏考索曰周之六官司馬掌兵而其起軍旅之法乃屬之司徒者兵民一致所謂仁義之師也故司徒以井邑丘甸而均其所出之賦以比閭族黨而通其相與之情以伍兩卒旅而擇其可任之人而後司馬因蒐苗獮狩之時得以辨其旗鼓鐳鏡之用而教以進退疾徐之節凡此皆井田之功也是故天子六軍居尊而統卑大國三軍次國二軍小國一軍比小而事大凡鄉遂家任一人而未常盡用則民有餘力矣九伐

以○正○邦○國○而○不○及○蠻○夷○則○民○無○遠○征○矣○九○式○均○  
節○財○用○而○不○及○軍○旅○則○民○不○轉○輸○矣○凡○此○皆○封○  
建○之○助○也○內○有○井○田○爲○之○根○本○外○有○封○建○爲○之○  
屏○翰○無○養○兵○之○費○無○勤○兵○之○勞○此○宣○王○懷○夷○狄○  
止○於○邊○境○平○王○遷○洛○邑○晉○鄭○得○以○同○獎○王○室○也○  
一○變○而○春○秋○齊○威○作○內○政○有○什○伍○之○法○晉○文○蒐○  
被○廬○作○執○秩○之○官○於○是○乎○以○強○而○并○弱○矣○魯○成○  
公○作○丘○甲○宣○公○初○稅○畝○於○是○乎○以○上○而○剝○下○矣○  
雖○井○田○封○建○之○制○至○是○而○漸○壞○其○伯○諸○侯○者○猶○

能斥夷狄以衛中國也。再變而戰國齊愍之技擊魏惠之武卒秦昭之騎士皆導民以力爭誘民以利闢六國之軍各有百萬之師則不復大國三軍之舊矣。秦民十五以上悉詣長平齊民戶三男子並爲戰卒則不復家用一人之制矣。封建井田雖壞裂於此時而諸侯自相吞噬猶未逸出乎中國之外。故當時亦未聞有征行之勞轉輸之費也。至秦而置郡縣裂侯國則外無屏翰之助天子孤立於上而中國與四夷爲鄰。

所藉者萬里長城而已。阡陌井田則內無根本。之固黔首窮悴於下而中國與四夷爲敵所資者三十鍾致一石而已。然則自秦而降封建井田壞裂已極而先王仁義之制蕩滅無餘無事養兵烏得無椎剝肢削之患有事用兵烏得無征行轉輸之勞乎。此雖勢所必至而後世興衰之故亦必有所本矣。

兩漢兵制

漢興天下既定，踵秦置材官於郡國，而京師有南北軍之屯。至武帝平百粵，內增七校，外有樓船，皆歲時講肄，脩武備。云南軍所以衛宮城者也，主之者衛尉。其屬有南北宮二衛士，左右二都候，南屯公軍蒼龍，玄武北屯朱雀，東明朔平八司馬，凡衛士二千四百零六十九人。然衛尉主兵殿外，而主兵殿內則爲光祿勳。其屬有左右五官中郎將、虎賁羽林郎、左右監、凡衛士三千四百六十一人，北軍所以衛京城也。

主之者中衛其屬有中壘越騎步兵長水射聲屯騎  
胡騎虎賁八屯校尉而胡騎不嘗置惟中壘射聲虎  
賁屯騎在城中餘屯則皆留城外總凡軍士三千五  
百三十六人而胡騎虎賁所領士數無所考大抵衛  
尉主南軍以衛宮城實居乎內中尉主北軍以衛京  
城實居乎外相爲表裏其勢常相均然亦使之自相  
爲制焉以史考之北軍在外而或兼乎南軍南軍在  
內而常重乎北軍何也國有大故則北軍亦環宮而  
屯故五校嘗入爲宿衛之兵是北軍或兼乎南軍也

吳漢之薨發北軍五校輕車介士送葬而不易於發  
南軍是南軍常重乎北軍也○其兼乎南軍者在外  
之兵多重乎北軍者在內之兵精故與是故以勞賜  
之典則季秋正月行幸曲臺臨饗衛士勸勞之以農  
桑而後遣以閱習之法則背秋涉冬幸長安南門都  
試五校士爲八陣進退而光祿特嚴不食之免至若  
南北軍皆隸於三公而光祿歲以四科考第郎從官  
凡更直執戟內謹門禁外充車騎者無非經明行脩  
之士則宿衛之任固亦周虎士諸子遺意哉是以朱



虛入衛卒平諸呂方朔執戟坐折董偃袁盎以中郎  
而却慎夫人之坐日磬以入侍而縛莽何羅之逆皆  
繇環衛得人故也其後武帝盛兵以威四夷至以中  
尉材官出擊恐京師無重兵而生變於是分北軍爲  
八校進中尉屬中壘校尉掌北軍壘門內及外西域  
兵而屯騎校尉掌騎士步兵校尉掌上林屯兵越騎  
校尉掌越騎知越事者胡騎校尉掌胡騎習胡事者  
與長水射聲虎賁三校尉而八外又置城門校尉掌  
京城門屯兵屯各有司馬有十二城門候焉旣又恐

北軍之權太重故於光祿勳者置羽林之屬爲  
宮掖衛是雖於南北軍相制之意不甚失然異時南  
北軍皆郡國番上無定在之兵也自八校之置以習  
知胡越之人充之則募兵始此期門羽林皆家世爲  
之則常從始此蓋自是有養兵之病而京師之兵制  
壞矣且又使世家富人犯令入財者皆得補郎而郎  
選於是始衰自期門羽林依飛之屬隸於光祿以爲  
天子之私人而兵衛於是始變自疎遠外庭之後衛  
尉之職領於將軍城門之兵領於司馬往往以中朝

在之而大臣皆無預焉。於是禁密之地，凡可以轉移  
惑亂人主者，無所不至。而異日宦官倖戚專兵之禍，  
於是始基。皆武帝紛更之所貽也。若乃郡國之兵，初  
時選能引關，驟張材力武猛者，爲輕車騎士。材官樓  
船，常以秋後講肄課法，各有員而用，各隨其地之宜。  
平地用車騎，山林險阻用材官。川澤用樓船。於是巴  
蜀三河，潁川諸郡國，獨有材官。上郡北地隴西諸郡  
國，有車騎。而廬江潯陽會稽諸郡國，有樓船。以至臨  
淄之弩手，荆楚之劍客，各推其土之所宜，而習熟焉。

一旦有事則以利檄召天下兵而無有不集事者方其兵之在郡國也則屬之都尉每歲八月會都試郡太守都尉令長咸預各以其方之所習而課殿最若騎士既發而不詣屯所則騎士有誅太守發騎士馬不適士則太守有貶是以郡國之兵教習於平時而征發於有事民有更番之休而將無常權之患此郡國兵之凡也其賦於民以丁而不以田丁衆而無田雖貧者不免於爲民故爲兵者皆家人子起田中從軍而非素養者也自年二十三爲正卒於是得之疇

官以給公家徭役給於中都官則爲衛士給於郡國則爲材官給於邊繇則爲戍卒皆正歲而戍其給於縣則爲更卒而更有三品有卒更有踐更有過更蓋正卒無常人皆當迭爲之一月一更謂卒更貧者欲得雇更錢次直者出錢雇之一月二千謂踐更天下之人皆當戍邊三日雖丞相子亦所不免三日戍然不可人人自行而行者亦不可便還因留一歲一更諸不行者出錢三百入官以給戍者謂過更其更代往來道中衣裝悉自備年五十六始免此調民之畧

也。自元狩以後，兵革數動，民多買復，調發之士益鮮。於是發及謫吏次及謫民次及謫戍次及七科謫異將以隸於都尉者充兵，故其伍符甚整也。及備兵不足，調及他衆，甲伍必紊，而郡國之兵制又壞矣。是以昭宣以來，其弊日甚。始元元年募民及發犇命者，擊益州。元鳳元年遣太常三輔徒免刑擊氐。五年發三輔及郡國惡少吏有告劾亡者屯遼東。本始二年又選郡國吏三百石伉健習騎射者從軍，神爵元年又發三輔中都之官徒弛刑者及應募飲飛射士孤兒。

胡越騎詣金城而以益邊夫募及奔命調及惡少發  
及刑徒選及三百石吏而又以羽林飲飛胡越騎從  
事是南北軍皆出矣紛紛無復舊制孰非自武帝啓  
之耶光武中興以幽冀并州兵克定天下始於黎陽  
立營領騎當千人以謁者監之號黎陽兵而京師南  
北軍如故北軍省中壘胡騎虎賁三校止爲五營謂  
之五營校士置北軍中候監之領於大將軍光祿勳  
省戶騎車凡三將及羽林令都尉省旅賁衛士領於  
太尉建武六年始罷郡國都尉并職太守無都試之

役唯京師肄兵如故明年罷天下輕車騎士材官樓  
船及軍假吏盡還民伍唯更賦如故九年省開都尉  
十三年罷左右將軍二十三年罷諸邊郡亭候戍卒  
時光武久在兵間厭武事且知天下疲耗思欲息肩  
文書調度一切務從簡寡繇是內省營衛之士外罷  
尉候之職又自西都之季都肄或以爲惡韓延壽始  
以試事僭擬不道誅而翟義之及王隗囂之劫更始  
李通之勸光武皆以秋試因勒車騎誅守長號令起  
事光武愆之遂罷不講自是漢兵法始大變壞然終



建武之世已不能守正前法罷尉省校輒復臨時補置而邊郡亦往往置尉且自罷都試而外兵不練雖疆場之間廣屯增戍列營置塢而國有征伐終隸京師之兵以出蓋自建武迄於漢衰匈奴鮮卑之寇歲歲有之或遣將出擊或移兵留屯連年暴露奔命四方而禁旅無復鎮衛之職至安帝永初間募入錢穀得爲虎賁羽林緹騎營士而營衛之選亦衰成帝延熹間詔減羽林虎賁不任事者半俸則京師之兵日就單弱外之土兵不練而內之衛兵不精故盜起一

方○則○羽○檄○被○於○三○邊○興○發○甲○卒○取○講○而○時○戰○非○素○習○  
每○出○輒○北○於○是○羌○寇○轉○盛○移○兵○走○遠○民○不○堪○命○永和○  
三○年○交○趾○九○真○二○郡○之○兵○至○於○反○叛○無○亦○罷○於○奔○命○  
之○過○歟○此○其○興○兗○豫○之○卒○擊○象○林○萬○里○之○寇○李○固○所○  
以○力○爭○也○永○建○間○始○令○郡○舉○五○人○教○習○戰○射○又○方○募○  
爲○陷○陣○徵○爲○積○卒○召○爲○義○從○大○抵○創○立○名○號○蕩○無○良○  
法○徒○列○屯○坐○食○而○已○桓○靈○之○世○雖○能○委○任○段○熲○盡○滅○  
諸○羌○而○中○平○元○年○黃○巾○遂○作○所○在○盜○賊○不○可○勝○數○於○  
是○置○八○關○都○尉○五○年○望○氣○者○言○京○師○當○有○大○兵○何○進○

乃勸靈帝大發四方兵講武於平樂觀射擐甲介馬稱無上將軍以厭之是歲始置西門八校尉以小黃門蹇碩統之雖大將軍亦屬焉又改刺史爲州牧然是時也黃巾雖熾而蕭牆之禍深可寒心蓋自京師止置北軍而八校之兵并爲五營中尉不掌京輔士卒城門不置屯兵衛尉不聞更戍之士又舉五官郎將羽林虎賁以職屬大夫議郎謁者僕射以文屬光祿大夫不在宿直議郎不與執戟則凡爲禁衛者皆非士人之流而郎官三省盡爲諸黃門之廬於是中

世以後令下房帷政歸臺閣咸宦更領兵權迭相領  
奪五營畏服中人以至陳蕃竇武等欲誅宦官北軍  
不助武等而助宦官遂取族滅何武袁紹不勝其憤  
且懲竇武之事欲藉分兵以除之於是內置園校陽  
尊闔宦外重州牧實召邊將闔宦雖除而董卓之禍  
已成義兵四起羣牧爭政漢遂三分原漢盛衰皆兵  
之繇而光武實爲之蓋天下之患莫大於兵無事而  
聚食將有權而專兵先王必於其所自出者深思而  
曲備設鄉遂井田之制以寓兵設比閭族黨之官以

寓將於四時之隙命有司講武而教民以鼓鞞鏡錫  
之節諸侯卿大夫朝聘燕享從容歡欣之際而猶不  
忘矜矢之事故方其有事則取兵於農以執干戈取  
將於士大夫以典軍旅事已則將還其職以治民兵  
散於野而力耕是以兵無聚食之費將無專兵之虞  
此其綱紀大意之所在者而見於節目之間則征行  
者限其數調發者從其方備邊防者甚嚴制畿兵者  
甚重其別又有四焉通籍於司徒者若彼其衆征於  
司馬者不能什一是限其數也而未嘗悉民以爲兵

伐楚以荆伐淮以江漢是從其方也而未常調民以  
戍遠徵作而征雨雪而歸是邊防不以無事而暫止  
蓋恐其一旦有倉卒之變元戎啓行不過十乘是歲  
兵不以有故而輕出蓋恐其內外有輕重之患此先  
王之深意寓諸節目者又如此自周衰一變而爲齊  
之內政再變而爲晉之爰田先王之制其綱維節目  
掃地盡矣漢興民二十則傳於籍而歲及立秋則嚴  
兵法之肄公卿子弟執戟以備宿衛而博士郎中皆  
課之射當是時民與士大夫無不開軍旅者或爲卒

更○或○爲○殘○更○或○爲○過○更○民○皆○已○練○之○兵○或○取○之○於○大  
農○或○取○之○於○宗○正○或○取○之○於○太○僕○而○士○大○夫○皆○可○命  
之○將○以○是○觀○之○大○抵○漢○制○之○善○者○在○於○兵○不○常○聚○而  
將○無○常○員○故○材○官○騎○士○布○滿○郡○國○有○事○檄○召○不○則○罷  
歸○衛○霍○烈○大○績○重○身○奉○朝○請○兵○皆○散○去○此○其○綱○維○大  
體○猶○有○先○王○遺○意○乃○其○中○猶○可○取○者○國○有○軍○事○不○取  
專○斷○是○以○輪○台○之○書○編○示○百○官○屯○田○之○奉○初○終○下○議  
何○奴○和○親○而○四○百○石○博○士○得○以○抗○論○以○至○精○兵○郡○國  
人○主○親○爲○擇○將○相○而○代○地○吾○所○急○則○委○陳○稀○淮○陽○兵

之勁實擢灌夫其視兵也不亦重乎然而從軍有勞  
得以復除關中之卒復以一歲亡士過多將軍有譴  
金布著令尤卹死事羽林養子特錄孤兒至饗遣衛  
士天子臨幸士卒暴露朝會罷酒其卹兵也不亦寬  
乎乃矯制有功者不賞都試僭上者必戮上功增級  
者幕府已察亭微不治者出巡已誅乘傳行塞因以  
歸家者詔敕已至以至禁撓者有誅後期者有誅畏  
懦者有誅都試而不詣都所者必免屯而不詣屯所  
者以乏輿論則嚴明爲何如然而寬恤之恩多施之



士○卒○嚴○明○之○政○每○用○之○將○帥○故○繇○有○復○筭○有○減○更○有○  
貸○繇○戍○之○法○可○謂○恕○矣○乃○宰○相○之○子○不○免○戍○邊○故○將○  
之○家○均○於○給○賦○以○至○御○史○大○夫○出○為○護○軍○不○為○左○遷○  
泗○泉○太○守○卽○拜○破○羌○不○為○異○數○輪○臺○之○詔○敗○亡○不○撓○  
衛○霍○行○封○得○喪○相○除○則○均○一○為○何○如○至○於○上○下○相○維○  
隄○防○必○密○京○師○之○兵○纔○萬○人○耳○統○於○一○官○未○為○過○多○  
而○二○三○卿○士○各○分○所○領○欲○上○下○之○相○制○也○都○試○之○役○  
太○守○都○尉○事○而○照○之○令○長○丞○尉○何○與○而○必○欲○俱○會○欲○  
上○下○之○相○察○也○以○至○銅○虎○調○發○以○防○矯○僞○伍○符○素○備○

以正什伍而膠西欲擅發兵則弓高詰之自齒嚴助  
以警發兵則郡守拒之不從而又鄉置游徼亭設三  
長以防盜賊而天下之亭幾三萬則其周密又何如  
夫以謹重視兵戎故動可寡悔以寬恤待士卒故勞  
不致怨以嚴明馭將帥故士卒不敢驕情以均一定  
軍制故天下無以議令以周密立兵防故奸宄無以  
生心是以終漢之世天下晏然諸呂七國變生倉卒  
而備禦素具北胡南越連兵數年而邦本不搖誠有  
以也獨其以軍擊虜而發及吏無告勅與父母有市

藉者甚而列侯封君皆所不免是悉民以爲兵也得  
無困於征行之擾戍邊備胡而調及淮陽汝南雖東  
方之卒亦所不免是驅民以戍遠也得無困於調發  
之勞且時平輒弛備而赤白囊一至始科瑣邊吏則  
倉卒必有不可用者何以防外戍卒以實邊而中尉  
北軍亦出擊胡則王旅無鎮衛之職何以重內其節  
目不謹者益如此是以漢之兵雖少近古而卒不能  
遂如古也建于中興則兵制浸失都試之法不可罷  
者罷之三校尉之官不可廢者廢之于是郡兵不統

而專倚南北二軍以集事是兵非曩時比也士大夫  
不聞武事至引邊將以入朝是將非曩時比也則又  
并與其綱維大體者一切廢矣漢烏得而不衰善乎  
應邵論之曰天生五材誰能罷兵自郡國罷材官騎  
士之後官無警備實啓寇心一方有難三面救之發  
兵雷震一切取辦黔首驚然不及講其射御用其戒  
警一旦驅之以卽強敵猶鳩雀捕鷹鷂豚魚弋豺虎  
是以每戰常負王師不振張角蕩搖八州竝發牧守  
泉裂流血成川爾乃遠徵三邊殊俗之兵非我族類

忿○驚○縱○橫○多○僥○良○善○以○爲○已○功○不○教○而○戰○是○謂○弃○之○  
迹○其○禍○敗○豈○虛○乎○哉○

三國六朝兵制

三國蜀初置五軍其將校畧如漢而兵有突將無前  
宿、吏、青、羌、散、騎、武、騎、之、別、然、國、小、戩、迫、大、兵、數、動、及  
諸、葛、亮、卒、蜀、兵、耗、矣、吳、多、舟、師、而、兵、有、解、煩、敢、死、兩  
部、及、車、下、虎、士、丹、陽、青、巾、交、州、義、士、及、健、兒、武、射、之  
名、非、一、調、度、亦、無、法、大、率、強、者、爲、兵、羸、者、補、戶、至、有  
二、百、餘、家、輒、皆、料、取、以、他、郡、羸、民、遷、補、其、處、其、後、又  
以、五、子、分、將、而、吳、遂、亡、魏、制、畧、如、東、漢、南、北、軍、如、故  
初、曹、公、置、武、衛、營、於、相、府、以、領、軍、主、之、及、文、帝、增、制

中營於是、有武衛中壘二營、以領軍將軍併五校統之、改漢乘之名曰治兵、是時有中左右前軍各一師、又有中護中領軍領護軍將軍各一人、自操納司馬懿之言、黃初中復令州郡典兵、州置都督、尋加四征四鎮將軍之號、又置大將軍都督中外兵、兵柄世在司馬氏、而魏祚移矣、晉自文王置二衛三部司馬、以中領之、軍領之、及武帝代魏、遂分左右各一將軍、又置羽林虎賁上騎異方四部、皆領於驍騎、又有左右前後四軍四護軍領之、凡二衛及驍騎七軍皆以中

軍將軍羊祜領之。帝始懲魏氏孤立大封同姓大國。二軍兵五千次國。二軍兵三千小國。一軍兵千五百。及吳平之後。卽詔天下刺史悉去州郡兵。大郡纔置武吏百人。小郡五十人。交州牧陶璜言。交廣東西數千里。不賓屬者六萬餘戶。其服從官役者纔五千餘家。二州唇齒。惟兵是鎮。又寧州諸夷接據上流。未宜約損州兵。以示單虛。僕射山濤亦言。武備不可盡弛。帝不聽。而永康以後。盜賊羣起。州郡不能制。天下遂亂。元帝南渡。以揚州爲京畿。荊州江州爲重鎮。而三



州戶口實居江南之半於是復刺史典兵而州鎮特重故忠則陶侃溫嶠以入衛定國難逆則王敦蘓峻以啓釁爲國憂蓋其勢也然王師所出調兵不踰三吳大發毋過三萬每議出討率取奴兵百姓怨嗟有戰輒敗及後魏天和中閩門之謫除於崔挺三長之制立於李冲屯兵興於薛虎子而戍兵資絹自隨之困省世業定於李安世而豪強陸附逃役之弊均定都中洛選武勇之士十五萬人爲羽林虎賁以充宿衛分建六鎮優復府戶鬱然可觀有太平之風良法

浸墮。至於宿衛相率焚大臣之第。朝廷懼而不敢問。致啓高歡驕逞之心。則紀綱陵替。豈非徇於承平。文飾過盛之弊哉。高齊別爲內外領之二曹。雖十人受田二十充兵六十免役。頗追古意。然武帝之際。政以賄成。一時領軍至二千人。無謂甚矣。西魏大統中。宇文泰用蘓綽始倣周典。置六軍籍六等之民。擇魁健材力之士以爲之首。盡蠲租調而刺史以農隙教之。合爲百府。每府一卽將主之。分屬二十四軍。開府各領一軍。大將軍凡十二人。每一將軍統二開府一柱。

國主二大將軍復加持節都督以統焉凡柱國六員  
衆不滿五萬人此蘓綽之請也周至克齊之後并前  
各置六府而東北別爲七總管自此隸戶有還奴虜  
有免隱丁有誅府兵有復丁以十二取役以一月代  
糧蓄以六家備民力稍裕矣隋之兵制大抵周齊府  
兵之舊而加潤色焉其十二衛曰翊衛曰驍衛曰武  
衛曰屯衛曰禦衛曰候衛各分左右皆置將軍以分  
統之府有郎將有副部將坊主團主以相統治其外  
又有驃騎車騎二府皆有將軍後改驃騎曰鷹揚郎

將車騎曰副郎將別置折衝果毅此府兵之大畧也  
文帝取江南之後凡總管兵合五十一萬八千而散  
之要害之地者凡八所或出於六合或出於襄陽或  
出於永安以至江陵蕪春廬州廣陵東海皆列兵分  
戍旌旗舟楫橫亘數千里然節度則總之晉王其元  
帥帥長史則總之高穎而各相統攝焉此高祖御兵  
之意也自煬帝不編府兵之制不講至伐高麗之役  
平壤之會四方兵集凡一百十三萬三千八百人是  
以遠近騷動士卒死亡而遼東浪死之歌作隋遂亡

古今治平畧

三十一卷

卷之二十五

矣。

唐代兵制

唐有天下三百餘年而兵之大勢三變其始盛時有  
府兵府兵後廢而爲彊騎彊騎又廢而方鎮之兵盛  
矣及其末也強兵悍將分布天下而天子亦自置兵  
於京師曰禁軍其後天子弱方鎮強而唐遂以滅  
者措置之勢使然也府兵之制起自西魏後周而備  
於隋唐因之武德初始置軍府以驃騎車騎兩將軍  
府領之析關中爲十二道皆置府兵三年更爲軍軍  
置將副各一人以督耕戰以車騎府統之六年天下

既定廢十二軍改驃騎曰統軍車騎曰別將歲餘復  
十二軍軍置將軍坊主各一人太宗貞觀十年更號  
統軍爲折衝都尉別將爲果毅都尉諸府總曰折衝  
府凡天下十道置府六百二十四皆有名號而關內  
二百六十有一皆以隸諸衛凡府三等兵千二百人  
爲上千人爲中八百人爲下府置折衝都尉一人左  
右果毅都尉各一人長史兵曹別將各一人校尉六  
人士以三百人爲團團有校尉五十人爲隊隊有正  
十人爲火火有長每人甲兵裝糧皆自備并其介冑

戎具藏於庫有所征行則視其入而出給之民年二十爲兵六十而免其能騎而射者爲越騎其餘爲步兵每歲季冬折衝都尉率五校兵馬之在府者教戰凡發府兵皆下符契州刺史與折衝勘契乃發若全府發則折衝都尉以下皆行不盡則果毅行少則別將行平居無事則耕於野其番上者宿衛而已四方有事則命將以出事解輒罷兵散於府將歸於朝故士不失業而將帥無握兵之重所以防微漸絕禍亂之萌也凡當宿衛者番上兵部以遠近給番五百里



五番千里七番一千五百里八番二千里十番二千  
里外十二番皆一月止至高宗武后時天下久不用  
兵府兵之法浸壞番役更代多不以時衛士稍稍亡  
匿至開元末益耗散宿衛不能給張說乃請一切募  
士宿衛取京兆蒲同岐華府兵及白丁而益以潞州  
長從兵共十二萬人號曠騎入隸於十二衛爲六番  
每衛萬人而諸府士益多不補折衝將又積歲不遷  
士人皆耻爲之自天寶後曠騎之法又稍變廢士失  
拊循八載折衝諸府至無兵可交李林甫遂請停上

下魚書其後六軍徒有兵額官吏而戎器馱馬錫慕  
糗糧並廢矣故時府人目番上宿衛者皆曰侍官言  
侍衛天子至是衛佐悉以假人爲童奴京師人恥之  
至相罵辱必曰侍官而六軍宿衛皆市人富者販緇  
綵食梁肉壯者爲角觝拔河翹木扛鐵之戲及祿山  
反皆不能受甲矣原其所以豈其立法不善哉二十  
爲兵六十而免而民無常兵之勞三時耕稼一時治  
武而兵無常聚之患六家而賦一兵未始悉民以爲  
兵也六家而供一兵未始悉仰給於官也隊伍火長

各有等差。折衝果毅各有定序。則上下相維之制立。天下凡八百餘府。而環京畿者殆五百餘。則內外輕重之勢御。四方有警。命將以出事。定功成而將解兵歸。則跋扈專恣之釁杜。農隙教閱而陣戰不精。罪至折衝。并及刺史。則驕惰懈弛之原祛。且始也宿衛之士。月上而歲徧。至後則更代多不以時矣。始也出兵多不踰時。遠不經歲。自劉仁軌將以鎮洮河。於是始有久戍之役矣。始也衣糧自辦。出征或有給予。自牛仙客以積財媚上。得宰相。邊將慕效之。而山東戍卒

齋繒帛自隨者輒誘之置府庫晝苦役夜繫鬼牢刑  
其死而沒其財於是得生還者十繼二三矣且州縣  
調發類不以實壯而富者獲以賄免貧而老弱者不  
得免而逃焉於是州縣之兵多逃亾之患矣是皆其  
守之非其制而積漸致弊也說乃不酌弊救失追復  
貞觀之舊而顧苟且以便目前爲召募之法增養兵  
之費浸使根本不固國勢動搖說寧能辭其責也哉  
蓋自是府兵壞而方鎮盛矣夫所謂方鎮者節度使  
之兵也原其始起於邊將之屯防者唐初兵之戍邊

者大曰軍小曰守捉曰城曰鎮而總之者曰道平盧  
范陽河東關內河西北庭安西隴右劔南嶺南江南  
河南凡十道以總天下蓋扼此自武德至天寶以前  
邊防之制其軍城鎮守捉皆有使而道有大將一人  
行軍征討曰大總管在其本道曰大都督自高宗永  
徽以後都督帶使持節者始謂之節度使景雲二年  
以賀拔延嗣爲河西節度使自此而後接乎開元朔  
方隴右河東河西諸鎮皆置節度使及范陽節度使  
安祿山反犯京師天子之兵弱不能扼遂陷兩京肅

宗起靈武而諸鎮之兵共起誅賊其後祿山子慶緒  
及史思明父子繼起中國大亂肅宗命李光弼等討  
之號九節度之師久之大盜旣滅而武夫戰卒以功  
起行陣列爲矣王者皆除節度使由是方鎮相望於  
內地大者連州十餘小者猶兼三四故兵驕則逐帥  
帥強則叛上或父死子握其兵而不肯代或取舍由  
於士卒往往自擇將吏號爲留後以邀命於朝而天  
子顧力不能制則含恥含垢因而撫之謂之姑息之  
政蓋姑息起於兵驕兵驕由於方鎮姑息愈甚而兵

將愈驕由是號令自出以相侵擊虜其將帥并其地天子熟視不知所爲反爲和解之莫肯聽命始時爲朝廷患者號河朔三鎮及其末朱全忠以梁兵李克用以晉兵更犯京師而李茂貞韓建近據岐華妄一喜怒兵已至於國門天子爲殺大臣罪已悔過然後去及昭宗用崔胤召梁兵以誅宦官而劫天子奔岐梁兵圍之逾年當此之時天下之兵無復勤王者嚮之謂三鎮者徒能始禍而已其他大鎮南則吳浙荆湖閩廣西則岐蜀北則燕晉而梁盜據其中自國

門以外皆分裂于方鎮矣故兵之始重于外也土地民賦非天子有既其盛也號令征伐非其有又其甚也至無尺土而不能庇其妻子宗族遂以亾滅語曰兵由火也弗戢將自焚夫惡爲亂而欲安全者庸君常主之能知至于措置之失則所謂困天下以養亂也唐之制兵何其處內者曲盡而處外者猶踈矣哉從今觀之府衛之法成而方鎮之形已具其來非一日之積矣蓋太宗既分天下爲十道而以軍鎮城戍之兵爲十二道而置使以處之都督以總之此其爲



方鎮已成之兆特待時而張耳以天下之極邊爲天下之重鎮又隆之以極崇之品秩與十衛將軍同而在六尚書之上所謂五大不在邊者果若是乎然方永徽之初都督帶使持節者始曰節度斯時有節度之名矣猶未具其官也再傳景雲之出薛訥爲幽州節度使斯時有節度之職矣猶未重其權也接于開元文武迭用不久任不遙授不專領貞觀故事猶有存者無何遙授之端一啓于王嗣真之寵任兼領之設復溺於蓋嘉蓮之私愛及撥却四夷之恩銳然自

畜而爲邊將者十餘年不易方鎮之權于是始重上  
募○曠○騎○以○宿○衛○而○無○可○交○之○兵○在○內○之○勢○日○輕○置○長  
征○于○邊○而○精○銳○成○聚○西○北○在○外○之○勢○日○重○又○時○李○林  
甫○專○寵○固○位○杜○邊○帥○入○相○之○路○奏○請○文○臣○爲○將○怯○當  
矢○石○不○若○用○寒○族○胡○人○以○爲○胡○人○則○勇○決○習○戰○寒○族  
引○孤○立○無○黨○上○悅○其○言○始○用○安○祿○山○其○後○諸○道○節○度  
使○盡○用○胡○人○而○邊○陲○有○偏○注○之○勢○國○家○無○藩○籬○之○助  
漁○陽○之○變○豈○待○智○者○而○後○知○哉○肅○宗○起○兵○靈○武○再○造  
唐○室○是○宜○正○上○下○之○分○以○綱○紀○四○方○而○偷○取○苟○安○至

王玄志之亾乃委一介之使徇行伍之請不問賢否  
惟其所欲與者授之節鉞甚至偏裨逐主帥亦因以  
襲位而爵祿廢置胥出于下馴至廣德之際安史既  
平諸州賓服代宗復不能因事制變卒使僕固懷恩  
養寇自封而薛嵩李寶臣之徒皆分帥河北以自固  
其黨此所以復兆後日之禍而德宗慷慨發憤痛懲  
積弊卽卽位之初罷貢獻省樂工足以警動淄清未  
幾李惟岳欲世襲成德一不如志而田悅之徒遂相  
顧並起向使紀綱素立則彼奔走聽命之不暇又安

有四王一帝之僭哉。陸敬輿深爲國慮，論關中形勢之要，居重馭輕之說，而且拳拳於府兵之舊，真維持久長之深筭也。德宗委而弗用，奉天之幸，豈非勢所必至耶？洎及都邑而挫，馭之餘姑息愈甚，所由終成藩鎮之禍，益蟠結不可解。熈若天憲宗能用杜黃裳諸人，故能以威武起衰弊，而劉闢、元兵、巴蜀則旣平之。李筍之守長江，則又平之。楊惠琳據夏州，則又平之。吳元濟擅淮蔡，則又平之。所同無前所征，必克于。是王承宗以德棣獻程權，以滄景歸烏重胤，以支郡

屬向之相與拔扈拒命者垂六十年皆拱手以遵約  
東而異時河朔之歸劉總之策瓜分其地稟命于朝  
慨然爲諸鎮倡者豈皆無故而然哉正以憲宗處置  
得安威畧未泯故也惜乎穆宗溺于宴安而段文昌  
蕭俛輩皆庸才無遠畧遂有銷兵之請致軍士落籍  
者衆皆嘯聚山澤轉爲盜賊及朱克融王庭湊作亂  
一呼而亾卒皆集始徵兵諸道而州郡兵籍旣少率  
臨時召募烏合之衆不能兵遂并克融庭湊以節鉞  
授之由是再失河朔訖于唐亾終不能復又初時諸

節度既有監軍領偏師者亦置中使監陳故主將不  
得專號令戰小勝則飛驛奏捷自以爲功不勝則迫  
脅主將相委以罪且怯於臨陣悉擇軍中驍勇以自  
衛而遣羸懦者就戰故每戰多敗又凡用兵舉動皆  
自禁中授以方畧朝令夕改不知所從往往進止弗  
審督令速戰中使道路如織驛馬不足掠行人馬以  
繼之故雖以諸道十五萬之旅裴度元臣宿望烏重  
胤李光顏當時名將討幽鎮萬餘之衆屯守踰年財  
竭力斃迄無成功由是言之豈真方鎮悍不可制耶

直以制馭無道而委柄授之以自賊也可不哀哉夫所謂天子禁軍者南北衙兵也北衙禁軍也初高祖

既定天下罷從軍者歸田願畱者三萬人以渭水白

渠旁民所棄腴田分給之號元從禁軍後老不任軍

以子弟代號父子軍而諸衛府兵爲南衙軍貞觀中

太宗擇善射者百人於北門番上日百騎已選材力

驍壯爲七營月一營番上日北衙七營已置左右屯

營於玄武門領於諸衛號飛騎上游幸以從爲翊衛

高宗時取府兵越騎步射置左右羽林軍大朝會夾

陞桓行幸夾馳道而馳武后時改北軍百騎爲千騎  
睿宗改萬騎玄宗用萬騎平韋亂改左右龍武軍用  
元功功臣子弟以充良家子避征戍者或稱得納貲  
隸焉分日更上如羽林皆謂禁軍末年禁兵浸耗當  
祿山反時諸禁衛從上西者僅千人肅宗赴靈武衛  
士不滿百專倚朔方軍爲根本既卽位以禁旅單弱  
稍復調補北軍置左右神武軍以元扈從官子弟充  
之曰北衙六軍中擇諸善騎射者置御前曰供奉射  
生官分左右廂曰左右英武軍乾元初李輔國用事



欲擢兵請得將羽林騎士五百人時徽巡李揆曰漢  
以南北軍相制故周勃得以北軍安劉氏朝廷置南  
北衙欲文武區別以相伺察今用羽林伐金吾警非  
制也脫內有非常當何用制之乎事得寢初哥舒翰  
破吐蕃於洮西置神策軍立軍使祿山反神策校尉  
衛伯玉將兵千人入赴難而神策沒於吐蕃不得歸  
卽詔伯玉爲神策軍節度使將所部屯陝而命中使  
魚朝恩爲觀軍容使監其軍已代宗幸陝朝恩舉以  
其軍從事平遂以軍歸禁中自將之然尚未敢顯然

與北軍並也。已吐蕃復犯京師，朝恩又以神策軍屯苑中，自是寢盛分左右廂勢。若北軍右遂爲天子禁軍，而朝恩以知神策軍使請以京兆之好時鳳翔之麟遊晉潤皆隸神策軍。明年復請以興平武功扶風天興諸衛畢隸之，而朝恩以放橫誅死。當是時，神策軍雖處內隸宦官而數以裨將主兵出征，代轍克及李希烈反，盜四起，神策武士多鬪死。詔神策使白志貞蒐補以充志貞，因爲利東征，士死亡者不以聞。市井豪緣爲幸，入賂則補之，名著籍受給賜而身市。

屢爲販鬻於是徼卒盡而隸伍籍無慮皆市人段秀  
實以爲禁旅單弱不足備非常上疏言天子萬乘諸  
侯千乘大夫百乘蓋以大制小以十制一凡以尊君  
卑臣強幹而弱枝也今外有不庭之虜內有梗命之  
鎮而禁衛不備不精旣削且弱後倖有變國何以待  
之夫猛虎所爲百獸畏者以有爪牙也瓜牙廢則孤  
豚特犬皆能爲之敵惟陛下留意疏上不省尋涇卒  
作亂召禁兵捍賊空無人而天子幸奉天已志貞流  
殛死而神策都虞候李晟自飛狐道以其軍赴難遂

爲神策行營節度使有社稷功神策士益寵而殿前左右射生軍亦改號神威軍於是北軍他所增置名號皆廢置不一惟羽林龍武神武神策神威最盛總曰左右十軍矣德宗至自梁州以神策軍在左功賜號興元元從奉天定難功臣罪免死而中書御史府兵部不能歲比其數三輔人庶焉一牒輒十數人長安姦人占籍兩軍者率身不宿衛輸錢中人代番上名曰納課而外憑籍肆爲暴京尹赤令爲歛屈已內侍益崇寵特置左右神策護軍中護軍護軍中尉官

以寵之已又置統軍以崇親衛當是時邊兵衣糧多  
不贍而親衛卒出屯防者諸頒給特厚於是諸邊將  
詭自請願遙隸神策軍得自竭既得請卽廩賜遂贏  
舊二倍由是諸邊卒往往稱神策行營而邊軍皆內  
統於中人矣順宗卽位王叔文欲收神策兵柄以奪  
宦者權而不克元和二年省神武神威合爲天威軍  
八年廢天威軍以其兵分隸神策軍景福中以藩臣  
跋扈議以宗室典禁兵可謂良策矣及王行瑜韓建  
連兵犯關諸王遇害已而神策尉劉季述等以其兵

廢帝尋就誅昭宗乃召朱全忠兵入悉誅宦官而神  
策左右軍從此廢矣自是軍司以宰相領全忠歸畱  
其子宿衛禁衛皆汴卒崔胤言六軍名存而實亡宜  
立格募兵以壯禁旅而全忠陰以汴人應之久之全  
忠遂兼判六軍十二衛及東遷惟小黃門打球供奉  
十數人內園小兒五百人從至穀水又盡屠之易以  
汴人於是天子無一人之衛昭宗遇弒唐乃亡嗚呼  
禁兵起於義兵之願畱宿衛者本爲兵立制非爲制  
置兵其後左右羽林龍武神武及神策神威而總名

北○衛○者○豈○太○宗○初○置○哉○且○唐○之○十○六○衛○已○備○漢○人○南○  
北○二○軍○之○制○也○而○漢○以○衛○尉○爲○護○南○軍○以○金○吾○巡○北○  
軍○今○十○六○衛○皆○已○有○金○吾○將○軍○掌○京○城○巡○警○是○北○軍○  
已○寓○其○間○觀○白○集○羽○林○衛○將○軍○之○制○所○謂○國○家○設○十○  
六○衛○猶○漢○之○有○南○北○軍○其○知○之○矣○而○其○元○從○禁○軍○亦○  
猶○官○制○員○外○之○置○初○非○禁○衛○兵○也○今○以○禁○軍○爲○北○衛○  
衛○兵○爲○南○衛○以○備○漢○制○豈○不○過○歟○北○衛○旣○橫○之○後○外○  
庭○諸○臣○莫○之○誰○何○蕭○復○言○之○而○不○見○聽○高○元○裕○言○之○  
而○不○及○用○惜○夫○推○原○其○故○皆○外○臣○不○預○禁○軍○兵○柄○專○

歸○官○者○而○爲○患○至○是○也○噫○漢○不○以○中○朝○屬○外○朝○而○使○  
閹○宦○宿○直○卒○成○何○進○之○亂○唐○不○以○北○衙○雜○官○亦○使○  
宦○官○典○兵○反○至○王○叔○之○亂○其○視○周○人○以○禁○衛○爲○冢○等○  
之○意○又○何○止○天○淵○哉○

章氏曰諸史皆不志兵惟歐陽公作新唐史乃  
志之以唐兵有井田遺意也惜乎不保其任耳  
嘗觀太宗起晉陽之甲未免於智數關天府推  
亦同氣亦未免於詐力天下既定因周齊之制

置十六衛將軍內統北門百騎七營屯驕謂之



北衙禁軍外統關內天下諸府番上宿衛者謂  
之南衙衛兵是則北衙卽漢之北軍而南衙卽  
漢之南軍也安得有井田鄉遂之遺意哉蓋後  
周府兵之制講閱戰陳皆於農隙身租庸調一  
切蠲除北齊租調之制十八受田二十充兵六  
十免力役是則周齊之兵皆受田矣唐沿周齊  
有口分世業田三衛隊正副各八十畝諸府團  
有王掌督課農桑是則唐兵亦受田矣兵農一  
致所由得井田之遺意歟井田之制漸壞於春

秋戰國故鄉遂變而爲技擊銳士者勢也。日分  
世業既開貿易之門而府兵變爲弓騎者亦勢  
也。况北衙禁軍自睿宗平韋氏之亂左右屯營  
欲避征戍者皆納資以隸軍而府兵之家不免  
雜徭千里番上宿衛名爲侍官安得不逃匿而  
耗散乎。此府兵所以變爲驍騎也。然則驍騎變  
爲藩鎮者何如哉。太宗務廣地諸邊都護諸道  
經畧大將大總管大都督卽藩鎮之漸也。自開  
元而上北衙軍諸府兵尚可支吾太平日久至

天寶末府兵既壞而彊騎之爲禁軍者又復單  
弱元宗幸蜀從者千人肅宗幸靈武士不滿百  
自是以來調補禁衛又皆以宦者主之此所以  
禁衛弱於上而藩鎮強於下也然則開貿易而  
馴致府兵之壞務廣地而遂成藩鎮之弊是則  
太宗之過至於玩太平而不能振起前人之制  
疑大臣而以宦者激成藩方之僭元宗肅宗不  
能逃責矣

杜牧之曰貞觀至於開元末百三十年間戎

兵○伍○未○始○逆○篡○此○聖○人○所○能○柄○統○輕○重○制○障○也○  
稟○聖○筭○神○術○也○至○於○開○元○未○愚○儒○奏○章○曰○天○下○  
文○勝○矣○請○罷○府○兵○詔○曰○可○武○夫○奏○章○曰○天○下○方○  
強○矣○請○搏○四○夷○詔○曰○可○於○是○府○兵○內○劇○邊○兵○外○  
作○戎○臣○兵○伍○滿○奔○矢○往○內○無○一○人○矣○起○遼○走○蜀○  
繚○絡○萬○里○事○五○強○寇○十○餘○年○中○亡○百○萬○人○尾○大○  
中○乾○成○燕○偏○重○而○天○下○振○然○根○萌○燼○燃○七○聖○肝○  
食○求○欲○除○之○且○不○能○也○由○此○觀○之○戎○臣○兵○伍○豈○  
可○一○日○使○出○落○鈴○鍵○哉○然○爲○國○者○不○能○無○也○居○

外則叛。居內則篡。使外不叛。內不篡。兵不離伍。無自焚之患。將保頸領。無烹狗之論。古今以還。法術最長。其置府立衛乎。近代以來。於其將也。弊復爲甚。人驚曰。廷詔命將矣。召出視之。率市兒輩。蓋多賂金玉。負倚幽陰。折券交貸所能也。絕不識父兄禮義之教。復無慷慨感槩之氣。百城千里。一朝得之。其強傑復勃者。則捭削法制。不使縛已。斬族忠良。不使違已。力一勢便。罔不爲寇。其陰泥巧狡者。亦能家筭口歛。委於邪信。

由鄉市公去郡得都四履所治指爲別館或一  
夫不幸而壽則憂割生人畧市天下是以天下  
每每兵亂涌溢齊民乾耗鄉黨風俗淫窳衰薄  
教化恩澤擁抑不下召來災殄被及牛馬嗟乎  
自愚而知之人其盡知之乎又戰論曰兵非脆  
也穀非殫也而戰必挫北是曰不循其道也故  
作戰論焉河北視天下猶珠璣也天下視河北  
猶四支也珠璣苟無豈不活身四支苟去吾不  
知其爲人何以言之夫河北者俗儉風渾淫巧

不生朴毅堅強果於戰耕名城堅壘嶺巒相貫  
高山大河盤互交瑣加以土息健馬便於馳敵  
是以出則勝處則饒不窺天下之產自可封殖  
亦猶大農之家不待珠璣然後以爲富也天下  
無河北則不可河北旣虜則精甲銳卒利刀良  
弓健馬無有也卒然夷狄驚四邊摩封疆出表  
襄吾何以禦之是天下一支兵去矣河東盟津  
滑臺大梁彭城東平盡宿厚兵以塞虜衝是六  
郡之師嚴飭護疆不可他使是天下二支兵去

矣六郡之師厥數三億仰首供給橫拱不爲則  
沿淮已北循河之南東盡海西叩洛經數千里  
赤地盡取纔能應費是天下三支財去矣咸陽  
西北戎夷大屯嚇呼膾腴徹於帝居周秦單師  
不能排闥於是盡剗吳越荆楚之饒以啖兵戍  
是天下四支財去矣乃使吾用度不足徵徭不  
常無以膏齊民無以接四夷禮樂刑政不暇脩  
治品式條章不能備具是天下四支盡解頭腹  
兀然而已焉有人解四支其自以能久爲安乎



今者誠能治其五敗則一戰可定四支可生夫  
天下無事之時殿寄大臣偷處榮逸爲家治具  
戰士離落兵甲鈍弊車馬剝弱而未嘗爲之簡  
帖整飭天下雜然盜發則疾歐疾戰此宿敗之  
師也何爲而不比乎是不蒐練之過者其敗一  
也夫百人荷戈仰食縣官則挾千夫之名大將  
小裨操其餘贏以虜壯爲幸以師老爲娛是執  
兵者常少糜食者常多築壘未乾公囊已虛此  
不責實料食之過其敗二也夫戰輒小勝則張

皇其功奔走獻狀以邀上賞或一日再賜一月  
累封凱還未歌書品已崇爵命極矣田宮廣矣  
金縢溢矣子孫官矣焉肯搜奇外死勤於戎矣  
此賞厚之過其敗三也夫多喪兵士顛翻大都  
則跳身而來刺邦而去迴視刀鋸菜色甚安一  
歲未更旋已立於壇墀之上矣此輕罰之過其  
敗四也夫大將將兵柄不得專恩罰詰責第來  
揮之至如堂然將陣殷然將鼓一則曰必爲偃  
月一則曰必爲魚麗三軍萬夫環旋翔佯恍惚

之間虜騎乘之遂取吾之鼓旗此不專任責成  
之過其敗五也元和時天子急太平嚴約以律  
下常團兵數十萬以誅蔡天下乾耗四歲後能  
取此蓋五敗不去也長慶初盜據子孫悉來走  
命是內地無事天子寬禁厚恩與人休息未幾  
而燕趙甚亂引師起將五敗益甚登壇注意之  
臣死竄且不暇復焉能加威於反虜哉

宋代兵制

元附

宋朝兵制有四。一曰禁兵。二曰廂兵。三曰鄉兵。四曰蕃兵。凡禁軍之親近者號諸班直。非諸班直隸於軍頭。皇城內守京師。外備征戍。其出戍防邊。或諸州更戍者。曰屯駐。非戍諸州而隸總管者。曰駐泊。非屯駐駐泊。以糴賤而留之者。曰就糧。諸司募者。曰役兵。諸州募者。曰廂兵。而教閱廂兵者。則又卽廂兵。而隸習者也。什伍其民。教之武士。謂之民兵。蕃夷內附。糾而用之。謂之蕃兵。此制兵之畧也。而其軍政。則有召募。

揀選廩給訓練屯戍遷補器甲馬政八者之目雖增  
損舊制而規摹宏遠矣蓋自唐中葉後營兵在諸鎮  
每防秋征行大則節將自往小則列校董之禁衛雖  
設而皆非精練藩鎮強者得以專土叛換河北兵最  
強故聲教不能及然屯營之處頗雜耕戰僖昭間征  
討不怠師人疲苦多亡命者梁祖患之乃令諸處悉  
點面爲宇以識軍號自是遵其制五代以來境蹙兵  
少習用爲常亦有近藩之地更迭戍守者然方鎮列  
校勢位差損周顯德後封淮甸有東南之漕京師倉

○ 稍實得以聚兵爲強幹之計太祖太宗以雄略威  
武平一海內懲累朝藩鎮跋扈盡收四方勁兵列營  
京畿以解宿衛分番屯戍以捍邊圉于時將師之臣  
入奉朝請獲暴之民收隸凡繕建隆元年詔殿前侍  
衛二司各闕所掌之兵揀其驍勇者升爲上軍老弱  
怯懦者置剩員以處之詔諸州長吏選所部兵送都  
下以補禁旅之闕又揀軍中強勇者定爲兵樣分送  
諸道令如樣收募後更爲木挺以尺寸高下謂之等  
長杖委長吏都監度人材取之當部送闕者至則軍

頭司覆驗等第引對便坐分隸諸軍其自廂軍而升  
禁兵禁兵而升上軍上軍而升班直者皆臨軒親閱  
非材勇絕倫不以應募餘皆自下選補方其募時先  
度人材次閱走躍試瞻視然後黥面賜以緡錢衣履  
而隸諸籍或募土人就所在團主或取營伍子弟聽  
從本軍或募饑民以補本城或以有罪配隸給役取  
之雖非一塗而伉健者遷禁衛短弱者爲廂軍制以  
隊伍束以法令當其無事時雖不無爵賞衣廩之費  
一有征討則以之力戰鬪給潛輓而天下獲悍失

之徒皆爲良民之衛矣。其廩祿之制凡上軍都校自  
捧日天武暨龍衛神衛左右廂都指揮使遙領圖練  
使者月俸錢百千粟五十斛。諸班值以下第等差之  
凡廂兵教閱者有月俸錢。下者給漿菜錢或食鹽而  
已。凡軍士邊外率分口券或折月糧或從別給其支  
軍食糧料院先進樣三司定倉放界分而以年月次  
之。諸倉之分給諸營者。營在城西給糧於城東。南北  
亦然。相距有四十里者。蓋恐士卒習墮使知負擔之  
勤。人之有司乃取受輸年月界分以軍次高下給之。



凡三歲大祀有賜賚有優賜每歲寒食端午冬至有特支亦有非時給者邊戍季加

龔邠寧環慶緣

邊難於燹汲者兩月一給薪水錢苦寒或賜絮襦袴役兵勞苦季給錢戍嶺南者增月俸自川廣戍還者別與裝錢川廣通舖卒或給時服錢屢屯兵州軍官賜錢宴稿將校謂之詢設蓋養兵之厚若此而國用初不見其不足者出納有節故也凡遣上軍軍頭司引見賜以裝錢代還亦入見稿以飲食簡拔精銳退其癯老至於諸州禁廂軍亦皆戍更隸州者日駐泊

八戊更有程而調發以銅符木契傳信牌爲驗初太祖嘗問內臣遼事後唐者曰莊宗好畋獵務姑息將士每出次國不久何也對曰莊宗好畋獵務姑息將士每出次郊迎衛卒必控馬首告曰兒郎輩寒冷望與救按莊宗卽隨其所欲給之循至其後因而作亂蓋威令不行賞賚無節也上撫髀嘆曰二十年來河戰爭取得天下不能用軍法約策而縱其無厭之求誠爲見戲朕命撫養士卒固不吝惜爵賞苟犯吾法惟有劔耳故武雄軍肆掠百卒竟誅川班妾訴全軍俱廢雲捷

軍偽印寘之極刑酒坊兵作過罪及主將故幸兵雖多而無豪悍難制之患由此道也當其時禁從軍製親衛殿禁之名營立龍虎日月之號而分領於殿前侍衛兩司爲步兵者百十有九爲騎兵者七十有二其兵有三衙有四廂或合而爲二或分而爲三其最親近扈從者號諸班直其次總於御前忠佐軍頭司皇城司驛院皆以守京師備征伐其在外者非屯駐則就糧統計天下精兵不過二十餘而京師十萬餘諸道十萬餘使京師之兵足以制諸道而合諸道

之兵又足以當京師。天下之兵雖本於樞密。然有發兵之權。而無握兵之重。京師之兵雖總於三帥。然有握兵之重。而無發兵之權。至於州郡節察防關等職。雖居京師。謂之遙授。至於一郡則得以盡行軍制。而逐縣置尉。專捕盜賊。濟以縣巡簡之兵。不足則會諸州巡簡使之兵。又不足則咨諸守臣。及一路帥臣焉。凡皆以內外相維。上下相制。截然而不可犯者。是雖婚累朝藩鎮之弊。而其所懲者深矣。太宗嘗閱禁兵。有挽強弩至一石五斗。連二十發。而有餘力者。顧謂

左右曰今宇內阜安材武間出孤矢之妙亦近代罕有也又令騎步兵各數百東西列陣挽強發弩視其進退發矢如一容止中節因曰此殿廷間數百人耳猶兵威可觀况堂堂之陣數萬成列者乎景德二年宣示殿前侍衛司諸禁軍中老疾者衆蓋久從征戍失於揀練每抽替至京雖量起閱視亦止能去其尤者今募丹請盟夏人納款宜乘此息兵精加選練恐軍旅之情謂國家便謀去兵惜費乃命先於下軍選勇力者次補上軍其老疾者俟秋冬擇將臣令揀去

之嗣年爲選隸。天聖間嘗詔樞密院次禁軍選補法。凡班直經上親閱隸籍者有司勿復按試。其升年額者或取少壯拳勇。或旌有邊勞。至於河清遠捕牢城。配軍亦間下詔選補。蓋使給役者有時而進。負罪者不終廢也。其退老疾則以歲首或出軍回轉員皆揀汰之上軍。以三歲河北遇大閱亦如之。仁宗卽位海內承平而畱神武備。始幸安肅教塲觀飛山雄武。發砲命捧日天武神衛虎翼四軍爲戰陣法。拔其擊刺騎射之精者稍遷補之。由天聖至寶元間增募諸軍。

陝西蕃落廣銳河北雲翼京畿廣捷虎翼効忠陝西  
河東清邊弩手京西江淮荆湖歸遠總百餘營景祐  
元年三司使程琳疏論兵在精不在衆河北陝西軍  
儲數匱而召募不已且住營一兵之費可給屯駐三  
兵昔養萬兵者今三萬兵矣河北歲費芻糧千二十  
萬其賦入支十之三陝西歲費千五百萬其賦入支  
十之五自餘悉仰給京師自咸平逮今凡二邊所增  
馬步軍指揮百六十計騎兵一指揮所給歲約費緡  
錢四萬三千步兵所給歲約費緡錢三萬二千他給

賜不與合新舊兵所費不啻千萬。稽天地生財有限。而用無紀極。此國用所以日屈也。誠願河北陝西生營兵。勿復增置。遇缺卽遷。廂軍精銳者補之。仍漸徙營內郡。以便糧餉。無事時番戍于邊。緩急卽調發。便近嚴戒封疆之臣。毋得侵軼生事。以覲恩賞。違者重置之法。如此則疆場無事。而國用有餘矣。帝嘉納之。然法制稍弛。宿直劫取庫兵。何剡兩疏以行黜陟。皇城埋藏器仗。錢彥遠七書求其根究。而東軍不知戰鬪。龍衛不能披甲。田况又歷歷言之。蓋國家怠於久



安樂因循而務省事主兵者頗行姑息之政至有胥吏譁伍而逐中丞輦官悖慢而退宰相衛士凶逆而獄不窮姦澤加於舊軍人罵三可使而法吏以爲非犯階級疑於用法朝廷雖特誅其人而已停之卒復收養之其餘有一夫流言道路而爲之變令推恩者多矣於是元帥畏偏裨偏裨畏將校將校畏士卒姦邪怯懦之臣至有簡省校畏使之驕情保庇羸老使之繁冗屈撓正法使之縱逸詆訾聚帛使之憤慨其言語笑靡所不至故衛士入直不自持被禁兵給糧

人○擔○荷○平○居○有○言○不○敢○向○不○得○已○而○誓○殺○謂○之○誓  
信○已○誓○誓○不○肯○應○而○三○歲○一○郊○國○大○饗○賓○八○十○九○萬  
安○爲○固○然○不○以○無○功○知○愧○一○不○如○意○頌○稱○多○禁○察○此  
好○嫌○惡○以○徵○於○上○甚○且○操○白○挺○而○羣○呼○蓋○雖○名○爲○兵  
而○實○皆○驕○惰○不○可○使○之○人○也○議○者○謂○紀○綱○不○立○恐○奸  
雄○生○心○祖○宗○苦○心○焦○思○以○變○衰○唐○之○俗○而○後○浸○高○拱  
孰○視○以○成○後○魏○之○風○豈○不○惜○哉○又○初○以○收○藩○鎮○之○權  
精○兵○盡○萃○京○師○故○外○地○率○皆○老○弱○而○循○習○既○久○漸○至  
無○備○諸○郡○毀○城○隍○撤○兵○甲○者○數○十○餘○年○而○領○州○者○例

青書生其充常從兵。不過大郡百人。小郡五十而已。故名曰長吏。實同平民。名曰郡城。蕩若平地。王元之已言於咸平三年。則後可知矣。自是稍加脩置。而陝西之保毅置於咸平之四年。沿邊之振武置於景德之元年。然猶未盛也。慶曆初。趙元昊反。始大募兵。充禁旅以禦敵。而所募兵多市井。選慳不足以備戰守。是時禁兵多戍陝西。所遣戍者雖壯。校中格。然不能其水土。而推陷復非所長。陝西河北。京東西。並邊上兵。卽揀選不及等。而驍勇狎戰。於是議者欲益募土

兵爲洗糧乃增置陝西蕃落爲保提振武壯勇而京  
輔郡亦增龍騎廣勇廣提虎翼步闕諸軍馬步凡三  
百營於是中外禁廂軍多至一百二十有五萬蓋軍  
冗甚矣西師罷龐籍自延州入爲樞副首言關中苦  
餽餉請徙沿邊卒就食內地而天下兵罷老者猥多  
不可以不汰議者以虜初臣服情偽難測未宜遽弛  
備而兵方募隨汰恐致變生雖帝意亦難之而籍在  
西事久習邊度元昊因必不遽敗盟而兵不汰將國  
力日屈以百口保西事無他固爭之於是兵汰者八

萬人嘉祐中韓琦在政府上言祖宗以兵定天下有  
征伐則量敵募練事已隨併故兵日精而國不費今  
二虜號通好而北邊屯防之兵不解常若敵之將至  
故竭天下之力而不能給不於此時先慮而速救之  
恐一旦邊陲竊發水旱相繼乃駭而爲之圖則旣晚  
矣又三路就糧之兵雖勇勁服習然邊粟貴踊常苦  
其難贍而邊卒數多復且有尾大不掉之虞祖宗時  
內屯兵京師歲漕東南粟以贍之地廣而易供雖其  
數多乃適得強幹弱枝之術故其時就糧之兵少邊

境有事則輟京師兵以赴之。固爲慮深而爲費鮮也。願詔樞密院同三司量河北陝西河東賦稅及三司筦榷之數。約可贖京師及三路兵馬幾何。制爲軍額。額足罷募闕乃增補。額盡而營數畸零者併省之。庶國力可無屈也。且聞寶至道之兵。太祖太宗所創制。定天下者也。天禧景德之兵。真宗之所守成爲備豫者也。慶曆之兵。西師後增置之數也。請下密院具實。祖宗所養之兵。視今數多少孰愈。則精冗判而裁法可無疑矣。於是詔兩府詳議具數以聞。自是稍加裁。

制以爲定額皇祐中富弼撫京東河北民以水災故  
流入境者三十餘萬乃召募爲廂兵拔其豪得九指  
揮教練之稱威邊壯武威勇分諸州服征役已行其  
法於諸路而就糧禁軍缺因用選補先是民兵在河  
北河東有弓剪社神銃忠勇強壯忠順在陝西有保  
毅砦戶強人弓剪手義勇在麟州有義兵在川峽有  
土丁壯丁在廣南北西有槍手土丁在荆湖南北有  
土丁弩手在邕州有溪洞壯丁是時神銃忠勇強壯  
久廢忠順保毅僅有存者康定初添籍強壯皆以

訓練自西師屢興正兵不足乃籍陝西之民三丁選  
一以爲鄉弓手未幾剋保捷分戍邊至師罷放遣  
焉慶曆二年籍河北強壯揀十之七爲義勇且籍民  
兵以補其不足其後議者謂義勇爲河北伏兵以時  
講習無待儲廩得寓兵於農之意設分領郡守閱習  
寇至朔集赴援則河北三十餘所常伏銳兵矣詔如  
所議治平中韓琦當國上言河北河東義勇皆工著  
勇悍純實出於天性而物力資產足內繫其心稍加  
簡練於府兵何異陝西保捷皆揀放所存無幾宜僉



義勇泯手背爲土兵一時不無小擾而終成長利詔  
允行知諫院司馬光持以爲不可疏五六上畧言方  
刺陝西義勇時民生長太平不識金革一旦調發而  
爲兵追呼逃避人人皇悸如臨死噐號哭徧野及刺  
面後教師利其財賄誅剝百端爲煩擾特甚始救榜  
云但守護鄉里已復驅之屯戍千里供億勞費無已  
况其生平所習惟田畝力作雖日教閱獨旗號鮮明  
鉦鼓備具可美觀而止一遇寇敵旣瓦解星散而大  
陣隳之殊無益有害也自後官知其然放汰還農則

情游已久不復肯服稼力穡如異時矣又田產空盡  
流落無歸強者爲盜弱者轉死長老至今於悒長歎  
此可爲永戒而不可復也况今旣賦歛民之粟帛以  
贍軍又復籍農民之身以爲軍是一身而兼軍民之  
任也民之財力得不並屈且旣籍之後州縣義勇具  
有常額後旣逃亡病歿必隨補之是使陝西之民世  
世常三分之一爲兵也光又請政府力言之琦曰兵  
貴先聲諒祚方桀驁使驟聞益兵二十萬殆不無補  
也光曰兵之貴先聲者爲無實也然獨可欺之於呼

吸頃刻間耳。今士兵雖益實不可用。彼不過十日具知之於聲。何有琦曰：君但見慶曆間刺鄉兵爲保捷。憂今復然。已降敕與民約，永不充軍戍邊矣。光曰：方募刺保捷時，亦豈不云然而卒充戍。今安可得保也。琦曰：吾在此，君無憂。光曰：公長在此可也。異日他人當國用，公所著籍驅之行戍，如反掌耳。琦語塞而事不爲止。蓋韓公雖心知募兵不可罷，而以爲冗食無當。終不若兵寓於民，爲自然之勢也。又古者凡國之役，皆調於民。宋悉役廂軍，凡役作營繕民無與焉。故

民力全固承平百年然征調之外又有力役之兵日  
需餉饑國家不無冗兵之弊當時孫汝弼善論兵者  
其言曰古者兵一而已今內外之兵百餘萬而別爲  
三四又雜爲六七別爲三四者謂禁兵也廂兵也蕃  
兵也雜爲六七者謂之兵而不知戰也給漕輓者兵  
也服工役者兵也繕河防者兵也供寢廟者兵也養  
國馬者兵也疲老而坐食者兵也前世之兵未有猥  
多於今日者蓋今天下戶口千有餘萬而皇祐一歲  
之入一億二千六百餘萬耗於兵者常十八而雷州

以供軍者又數百萬總戶口歲入之數而以百萬兵計之無慮千戶而資一廂兵十戶而給一散卒其兵職衛士之給又浮費數倍國計何得而不蹙哉然始猶禁軍不役而役之難者非禁軍亦免至其後禁軍送迎出入番休寓直與廂軍無異夫兵者不可役役者不能兵一人之身百工之所爲備勢豈可得哉且昔建國之初所在分裂擁兵而不復太祖太宗躬其甲冑力戰而取之旣降其君而籍其疆土矣然其故基餘孽猶有存者上之人見天下之難合而恐其復

發也。於是出禁兵以戍之。大自藩府而小至縣鎮。往往皆有京師之兵。由此觀之。則是天下之地一尺一寸皆天子自爲守也。而可以長久而不變乎。費莫大於養兵。養兵之費莫大於征行。今出禁兵而戍郡縣。遠者或數千里。其月廩歲給之外。又日供其芻糧。三歲而一遷往者。紛紛來者。繫繫雖不過數百爲輩。而要其歸。無以異於數十萬之兵。三歲而一出征也。農夫之力安得不竭。餽運之卒安得不疲。且當時未嘗有戰鬪之事。武夫悍卒非有勞伐。可以邀其上。然皆

不得爲休息無用之兵者其意以爲天子出戍也是  
故美衣豐食開府庫輦金帛若有所負一逆其意則  
且羣起而噪呼夫天下一家且教十百年民之戴君  
至於海隅無以異於畿甸亦不必舉疑四方之兵而  
專信禁兵也且土兵所以鈍弊劣弱而不振者彼見  
郡縣皆有禁兵而待之異等是以自棄於賤隸庸夫  
之間而將吏莫之訓也苟禁兵可以漸省而以其資  
糧益優郡縣之士兵則彼固以歡欣踴躍出於意外  
戴土之恩而願效其力又何遽不如禁兵耶甚哉兵

無事而食則不可使聚聚則不可使無事而食漢之兵雖不知農而天下不致於弊者未嘗聚也唐之兵雖聚於京師而天下亦不致於弊者未嘗無事而食也至宋之兵不耕而聚於京畿循環往來屯戍於郡縣者數十萬計皆仰給於縣官若無事賦歛之厚至不可復加而三司之供猶苦其不給其弊皆以不耕之兵聚於內而食四方之貢賦故也苟郡縣之士兵漸訓而陰奪其權則禁兵可以漸省而無用費之省者不過半耶兼又更戍交錯旁午道路徒使兵不



知將將不知兵。平居徒以勢相從而無以義附者。脫有緩急亦何足恃哉。沿至熙寧。廂軍猥多。自騎射至牢城。其名二十三。爲凡二十餘萬。合天下兵共至百餘萬。而冗又極矣。神宗患之。乃議銷併。親制選練之法。敕所司。揀不任禁兵者。降廂兵。不任廂兵者。免爲民。而陝西京師府界諸路及廂軍。皆有省并。帝嘗謂輔臣曰。天下財用。朝廷稍加意。則所省不可勝計。乃者消并軍營。所省錢累巨萬。庶事若此。邦財可勝用哉。二年。從陳升之議。減衛軍年四十以上。稍不中程。

者○呂○公○弼○陳○薦○皆○言○未○便○司○馬○光○亦○曰○在○京○禁○軍○生○  
長○京○畿○親○姻○聯○布○安○居○樂○業○衣○食○縣○官○爲○計○固○久○年○  
四○十○五○未○爲○衰○老○微○有○呈○切○尚○任○征○役○一○旦○別○無○罪○  
負○減○其○請○給○徙○之○淮○南○是○橫○遭○降○配○也○且○國○家○竭○天○  
下○之○財○養○長○征○兵○士○本○欲○備○禦○邊○陲○今○淮○南○非○用○武○  
之○地○而○多○屯○禁○兵○坐○費○衣○食○是○養○有○用○之○兵○真○諸○無○  
用○之○地○又○邊○陲○常○無○事○則○已○異○時○或○小○有○警○急○主○者○  
必○爭○求○益○兵○京○師○之○兵○旣○少○必○須○大○加○召○募○將○數○倍○  
多○於○今○日○所○退○是○棄○已○教○經○戰○之○兵○而○收○市○井○烏○合○

之○衆○本○欲○減○冗○兵○而○冗○更○多○本○欲○省○大○費○而○費○更○廣○  
非○計○之○得○也○願○且○仍○舊○法○每○歲○揀○禁○兵○不○任○戰○者○充○  
小○分○小○分○復○不○任○役○者○放○令○自○便○在○京○居○止○但○勿○使○  
老○弱○者○常○占○各○籍○虛○費○衣○糧○則○冗○兵○既○去○大○費○自○省○  
右○正○言○李○常○亦○以○爲○言○從○之○四○年○詔○揀○諸○路○小○分○年○  
四○十○五○以○下○勝○甲○者○升○爲○大○分○五○十○以○上○願○爲○民○者○  
聽○舊○制○兵○至○六○十○始○免○猶○不○卽○許○至○是○爲○民○者○衆○冗○  
兵○由○此○大○省○初○議○併○營○大○臣○皆○以○爲○兵○驕○已○久○遠○併○  
之○必○召○亂○獨○王○安○石○贊○決○之○時○蘇○軾○言○曰○近○併○蒐○之○

令雖不怕人言持之益堅然勢窮事礙終亦必變龜  
日雖有良法美政陛下能復自信乎樞密使文彥博  
曰近多更張人情洶洶非一安石日專合更張豈憚  
此輩紛紛耶帝用安石言卒并之自熙寧以至元豐  
歲有并廢已王安石既柄國之言太祖懲藩鎮之弊  
分遣禁旅戍守邊立更戍法使往來道路習勤苦均  
勞逸故將不專兵雖無復難制之患然將不知兵兵  
不知將緩急不可恃請部各制將將兵平居專於訓  
練無番戍之勞有事而遣使兵將相知而緩急可爲

使便於是詔京畿東西及河北路置將三十有七鄜  
延環慶涇原秦鳳熙河置將四十有二已團結東南  
諸路軍如京畿置將十有三總天下凡九十二將將  
各置副凡副將皆選內殿崇班以上嘗歷戰陳親民  
者以充又各以所兵多寡置部將隊將村隊使訓練  
等官實始變禁軍之制又以為方河北為方鎮割據  
時內抗中國外禦四鄰亦有邊奚契丹者乃兵不外  
求而足今河北戶口至蕃息又竭天下之芻粟以奉  
邊魯不足以當一面之戎狄此其故可知也臣以為

儻不能治軍使稍復古制則中國無富強之理請法以十家爲保保有長五十家爲大保有大保長十大保爲都有都保正副主客戶民三丁以上選一人爲保丁附保兩丁以上有餘丁壯勇者亦附之內家資優厚材勇過人者充保長授之弓弩教之戰陣每一大保夜輪五人警盜凡告捕所獲以賞格從事于官其逃移死絕若同保不及五家者他保自外來徙居者收爲保戶滿十家別爲保置牌書其戶數姓名以稽始行之畿甸後推之五路以遍於天下時則以捕

盜賦相保任而未肄以武事也四年始詔畿內保丁  
農隙所隸官於鄉村都試騎步射分等以聞蓋始變  
民兵爲保甲法始行民憂無錢買弓矢兼後且戍邊  
有截指斷腕以避丁者帝聞之以謂安石安石曰人  
言固未必信卽有之愚民難與慮始亦無足異也爲  
天下者如止任民情而縱之亦何謂爲政乎時陳留  
縣督民置弓箭鼓鐸民苦擾以聞帝又問安石安石  
曰有之庸何傷自生民來通兵農爲一事男子生而  
桑弧蓬矢射四方壯而服田力穡一而服戎故未

耜以養生。弓矢以免死。皆民所自具。未聞國家造耒  
耜給百姓也。則雖使民置弓矢。豈足過哉。第陛下憂  
恤百姓。故立法禁傷之耳。且府界素多盜。歲不下百  
十發。民皆出錢給捕賞。不爲怨。今制保甲以禦盜。令  
少出錢置器械。非有損也。卽怨何恤乎。帝曰。捕賞錢  
民習爲固然。自備弓弩。民創見。直不能無怨。譬之河  
決。壞民田宅。民不怨。令決河以壞民產。則怨之矣。安  
石曰。大抵保甲法。上自執政大臣。中則兩制。下則盜  
賊及停藏之人。皆所不欲。然臣召鄉人問之。皆以爲



便則雖有斬指以避丁者不皆然也况保甲非特除盜固可漸習爲兵旣人皆能財又爲旗鼓變其耳目且約以免稅上番代巡檢兵又自正長面上能捕賊者獎之以官則人心競勸然後使與募兵相參則可以銷募兵驕志且省財費此乃三代六鄉六遂遺法也後世唯府兵爲近之今舍已然之成憲而乃守五代亂亡之餘法其不足致安強明矣然人皆恬然不以因循爲可憂者所見淺近也或曰保甲不可代正軍上番否安石曰俟其習熟然後上番今爲募兵者

大抵皆偷情頑猾不能自振之人爲農者皆朴力一心聽令之人則緩急莫如民兵可恃馮京曰太祖征伐天下豈用農兵哉安石曰五代兵弱至世宗而強其所收亦皆亡命強梁之徒耳兵之強弱豈不在人耶文彥博曰以道佐人主者不日兵強天下安石曰有道者固能柔能剛能弱能強方其能剛強必不至柔弱張皇六師固先王之所尚也帝曰保甲芻糧之費當預爲之計安石曰當減募兵之費以供之所供保甲之費纔養兵十之一二帝曰畿內募兵已減寧

毋強本之慮。耶安石曰：願早訓練民兵，民兵成則募兵當減矣。噫！法固善矣，然行之不善，朝廷徒知教民以爲兵，不知教之太苛，而民以不能堪，知別爲一司以總之，不知擾之太煩，而民以生怨。民至有言曰：教法之難，不足以爲苦，而羈縻之虐，有甚焉。羈縻不足以爲苦，而鞭笞之酷，有甚焉。鞭笞不足以爲苦，而誅求之無已，有甚焉。方耕方耜，而罷方幹，方管而去，此羈縻之所以爲苦也。其教也，保長得管之保，正又管之巡檢之指使，與巡檢者又交捷之提舉司之指使。

其提舉司之幹當公事者又互鞭之提舉之官長又鞭之一有遯避縣令又鞭之人無聊生恨不得死此鞭笞之所以爲苦也創袍市巾買弓條箭其名百出不可勝數故父老之彥曰兒曹空手不可以入教場非虛語也一不如意卽以藝不如法爲名而捶辱之無所不至又所謂巡檢指使者多由此徒以出貪而冒法不顧後禍踰於正長此誅求之所以爲甚苦也又有逐養子出贅壻再嫁其母兄弟析居以求免者有毒其目斷其指灸其肌膚以自殘廢而求免者有

盡室以逃而不歸者有委老弱於家而保丁自逃者而保丁者逃則法當督其家出錢以募之於是每縣常有數十百家老弱嗟咨於道路哀訴於公庭比比是也又保丁之外平民凡有一馬皆令借供逐場教騎終日馳驟徃徃飢羸以至於斃誰復敢言其或主家備因他出一語借供遂有追呼笞責之害或因官逋督迫不得毛而易之則有初令還取之苦故人人以有馬爲禍此皆提舉官吏倚法以生事重爲百姓之擾者也安石豈能盡窒其弊哉元祐初司馬光號

其害言兵出於民雖云古法然古丘甸八百家纔出  
甲士三人步卒七十二人閒民甚多三時務農一時  
講武不妨稼穡自兩司馬而上皆選賢士大夫爲之  
無侵漁之患故能卒乘輯睦動則有功今籍民二丁  
取一以爲保甲授以弓矢教之戰陣是使農民半爲  
兵也三四年來又令河北河東陝西置教塲五日一  
閱無間四時置使者比監司專切提舉州縣不得與  
一丁教閱一丁供送雖云五日而保正長以泥糊除  
草爲名日聚之塲中必得路乃縱是三路耕作之業

幾盡廢矣。自唐開元來，民兵法壞，戍守戰禦盡募長  
征。民不習兵久矣。國家承平百餘年，四夷順服，戴自  
之老不識兵革。一旦賦詔之人，忽皆戎服，執兵而馳  
者，舊歎息以爲不祥。又巡檢指使，按行鄉村，往來如  
織，保長倚爲權利，坐索供給，多責賂遺，小不副意，妄  
加鞭撻，蠶食行伍，不知紀極。中下之民，不堪供億，流  
移四方，襁負盈路。又朝廷特遣使者徧行按閱，所至  
犒賞糜費萬計，不取諸民。將於何取之？農民之困，旣  
如彼，國家之費又如此，是終何所用哉？若使之捕盜

賊○衛○鄉○井○則○無○貴○多○如○欲○其○戍○邊○境○事○征○伐○則○鳴○鏞○  
交○而○奔○北○潰○敗○可○預○必○也○且○保○甲○中○往○往○有○自○爲○盜○  
者○亦○有○乘○保○馬○行○劫○者○然○則○設○保○甲○保○馬○本○以○除○盜○  
乃○更○資○盜○耶○自○教○閩○保○甲○以○來○河○東○隴○西○京○西○盜○賊○  
已○多○至○敢○白○晝○公○行○入○縣○鎮○殺○官○吏○大○軍○追○討○經○歷○  
歲○月○終○不○能○制○况○三○路○未○至○大○飢○而○盜○賊○猖○熾○已○如○  
此○萬○一○遇○數○千○里○之○蝗○旱○而○失○業○飢○寒○則○武○藝○成○就○  
之○人○所○在○蜂○起○以○應○之○其○爲○國○家○之○患○可○勝○言○哉○夫○  
奪○其○衣○食○使○無○以○爲○生○是○驅○民○爲○盜○也○使○比○屋○習○戰○



勸以官賞是教民爲盜也。又撤夫捕盜之人是縱民爲盜也。然則保甲戶馬復何所用哉。宜悉罷保甲使歸農。量州縣戶口每五十戶置弓手一人。畧依沿邊弓箭手法。許蔭本戶田二頃免雜繇。惟多盜之地嚴程科罰。隨功小大遷補職級。聽縣令尉卽保甲中簡武力高強者以充。如此卽不必教閱而武藝自精。一縣之中壯校者旣爲弓手其羸弱雖使爲盜亦且憚之。則弭盜之一法也未幾王巖叟亦言緣情以推法則愈久而愈行倚威以行令則愈嚴而愈悖。自古及

今未有窮其下而能無危者也。臣觀保甲一司上下官吏無毫髮愛百姓意。故百姓視其官司不啻虎狼。積憤怨人人所同。此者大獄相繼。今猶示已。雖民之愚。顧豈亡父母妻子之愛。而喜爲犯上之惡。以取禍哉。蓋激之至於此極耳。激之至深。安知其發有不甚於此者。情狀如此。不可不先事而慮。以保大體。而圖安靜。夫三時務農。一時講武。先王之通制也。一月之間。併教三日。不若一歲之中。併教一月。農事既畢。無他用心。人自安於講武。而無憾。遂可罷提舉司廢。

巡教官一以隸州縣而俾逐路安撫司總之每侯季冬教於城下一邑分兩番一月起教則與正長論階級罷教則與正長不相誰何庶使百姓得以優游治生無終年遁遯之苦無侵漁苛虐之患無爭陵犯上之惡矣且武事不廢威聲亦全豈不易而有功哉惟陛下深計遠慮斷在必行於是於府路保甲官並罷而司馬光又以比歲災傷盜賊並作禁旅盡屬將官與州郡守衛不爲使而卒旅不更戍成其情縱又設官重複虛破廩祿夫知州則一州之將知縣則一縣

之將又何必多設總鈐哉。請盡罷其禁軍。獨委州長  
吏與總管鈐轄統之。使州郡平居武備有餘。然後緩  
急可責以守死。於是詔諸路禁兵復互戍。而頗省鈐  
轄都監等員名。以州郡官兼充焉。嗚呼。國初京師之  
兵。強州縣之兵弱。一有警急。悉調京師。不足則募民  
兵。而振武保捷。宣毅義勇。皆兵出於民。而籍之州縣  
者。也是故禁旅不若土人。東兵不若土兵。歷有言者。  
豈不以其習於風土。長於戰鬪。故能有成功哉。獨內  
郡當承平。熙恬時。戎服執兵。雖日選練。非身親戰陳。

獨可爲聲容。兵終已不精。又別立管轄。名曰卽狼貪。蠶食勢所必有。又不領於守令。如漢北軍之法。而遣使者提舉之。措置無根。故事以不行。大都宋初禁廂軍召募。內則三司。外則漕臺。歲賦廩給。畢有經。未嘗至。康定憂邊。而召募日廣。於是乎天下有百萬坐食之兵。國家又以金緡賂戎虜。投之宴安。以銷靡其氣。曾不得其一日之用。元豐憤之行保甲。而募兵日衰。元祐以降。保甲罷行。無常。而民兵亦又衰。已復將兵之制。長官不得闕預。而將驕卒橫。侵漁細民。氣壓州

郡及江浙盜起攻劫州邑而將兵望風逃潰無能戰者蔡京用事禁廩增補日多列郡屯戍彌廣至於受逃亡收配隸猶恐不足政和之後久廢蒐補軍士死亡之餘老疾者徒費廩給少健者又多冗占階級既壞紀律又亡至以闕豎握重兵張勝諱敗士卒耗亡輒爲住招闕額以其封椿爲上供之用北難作而逃亡配隸操瓢行丐之人畢募以充伍而猶病其單寡也幹雖不挾兵萬餘長驅而南內顧枵然始倉皇召天下兵勤王陝右諸路古勁兵所出種師道將以入

援僅二萬五千人不能軍。於是京師不守。勤王之卒潰爲盜賊。而寇盜遍天下矣。高宗南渡。初置御營司。總齊軍政。凡諸將所帥及降盜等兵皆屬焉。因部爲五軍。尋以虜逼。上將航海避之。而衛士張賓等不欲行。率衆圍呂元直。許不遜。上怒。誅於明州市。遂盡廢其班及還會稽兵衛。寡弱乃選辛永宗所統中軍五百人入直殿。嚴悉烏合之衆。時趙元鎮秉政。爲上言。衛兵舊制不宜因墮而廢。食上悟。尋復其舊。然兵不滿三千。識者病其單弱。已而以三省言。詔御營司併

歸樞密院又廢神武中軍隸殿前司而分隸以兼督  
府兵於是殿司之兵精始一已復合馬司餘軍及八  
字軍爲六軍十二將而三衙始復舊制矣時江海盜  
作因分制諸軍控制之如泉之左翼頓之右翼循之  
推鋒明之水軍皆隸殿司總七萬人由是殿司兵籍  
爲天下冠初御營五軍之外又置御前三軍尋改爲  
神武五軍已又改爲行營四護軍張俊稱前軍韓世  
忠稱後軍岳飛稱左軍吳玠稱右軍楊沂中稱中軍  
當是時諸將各以成兵雄視海內屢奏捷獲而秦檜



爲金內間王和議遂獻謀諸將握兵難制浸成疽潰  
召入覲因分隸其兵史號統制御前軍馬皆隸於樞  
密院遇出師則取旨行於是御前軍又在禁軍之外  
雖和議之後相承不改各州有都統司而分屯列戍  
增損靡常朝廷滋增養兵之患蓋列屯以都統帥兵  
卒軍儲以經總給餼餉廩稍惟其所賦功勳惟其所  
奏將校之祿多於士卒之數始或急於攘夷待以寬  
科而後漸以蠹弊相承老成消耗新補情偷堪戰之  
士十無二三而爲之將者且隨意誅剝無所顧惜向

之創立爲捍禦者。至其後徒足爲虛。府閭賣鬻。貴之地而論價輸錢。方列薦贖。隱處。後償印之風。於是主帥剝偏裨。偏裨剝隊伍。有日給于錢而不足。衾絮者有月廩數斛而不飽。糟糠者先是以和議成。諸移屯軍漸歸營。惟防秋仍用移屯。更戍法爲沿邊。備禦開禧初。復議用兵。駐劄諸兵始復移屯。和議再成。邊地一二要郡。雖循舊貫。其諸駐劄更戍之法。置而不講。而常屯之兵益多。大抵當多事之秋。患兵之不足。卽增補以壯軍容。事旣寧息。患其有餘。必併省。

以嚴軍實意則在乎少蘇民力故始時兵不素練自  
軍校轉補之法行而揀選益精於是有疾患則選有  
老弱則選藝能不精則選或由中軍揀選補爲外軍  
或揀外邊精銳以升禁衛至於軍額有缺則併隸以  
便教閱而指揮制領將佐之屬亦或罷或省可謂詳  
審矣迨其後州郡軍政隳廢吝於廩給缺額恒多甚  
至以補者之姓名充死者之妻子而近或三四年遠  
至八九歲未嘗落死敗逃亡之數又主兵官有窠占  
寓公有借事存留者不什一當教閱時鈐總路分雖

號主帥。僅守虛籍。莫敢號召入教之次。坐作進退。殆  
同兒戲。守臣利虛券。不招填主兵。受厚賂。改年甲。且  
一兵請給歲不下百緡。以小郡計之一郡。占三百人。  
是國家歲虛費三萬緡也。良由兵官之權輕。而私占  
之禁弛耳。於是精銳無等。冗濫不分。無賴之民。往往  
竄各軍籍。覲其廩費。而避賦役。免門戶者。往焉。納賄  
賂求官爵者。往焉。有過咎而不得仕者。往焉。違科舉  
失士業者。往焉。又鄉黨故舊。及百工技術。音樂俳戲  
之人。皆列各軍伍。奚裨實用哉。寶祐間。州郡缺守。丞

揖者遣令招刺不拘材武務盜帑儲咸淳初沿江制  
關置帳前官猶專任營運類無戰功卒從升差大畧  
一軍僅二三千而使臣至五六百以供雜役又招募  
徒取充數以覲賞格混刺之後更不教閱徒以勞役  
日夜罔休一或少違即罹罔圍榜掠之酷兵不堪命  
而逃亡者接踵當時獻言者謂宜於卒伍中取強勇  
者與其籍而厚其廩且如百人之中揀十人或二十  
或三十則是萬人中有三千兵矣時試之弓弩課之  
武藝暇則馳馬擊毬以爲樂秋冬使之校獵其有材

力精強則厚賞資之。又於其中拔其尤者數愈。而  
廩愈厚待之。如子弟倚之。如腹心緩急可用。而申命  
主帥制領。鼓動而萍勵之。假以統御之權。嚴其階級  
之法。使將樂與士親。士樂爲將用。則可以運動如意。  
不必別移一軍。另招新伍矣。蓋兵無貴多。貴訓練之  
有素。苟不堪受甲。徒取充數。將爲用之。大抵宋之兵  
費最多。兵力最弱。皆緣官自養兵。故南渡後。時講求  
民兵之制。建炎元年。張懋請募民。聯以爲十五。使合  
力抗虜。謂之巡社。有甲隊步射之制。擇土豪一人爲

都副總轄詔頒行天下紹興初王庶知興元兼利路  
安府籍諸縣良家子弟號曰義士每兩丁取一三丁  
取二與免戶下物力錢每五十爲一隊以知縣爲軍  
正尉爲軍副日閱於縣月閱於州不半年有兵二十  
萬於是川口多義士可用者皆庶倡之也其後紹興  
四年承楚秦州各置水寨民皆團聚三十一年詔籍  
鄉兵知荆南府續脩乃請籍民爲義勇其法取於主  
戶之雙丁十戶爲一甲五甲爲一團皆有長擇一邑  
之豪爲總首歲於農隙教閱官給其糧其後籍者三

七八千人。乾道初，宿亳之役，禁旅多出江上之講。空虛。陳福公首獻民兵之策，及登庸，亟欲推行。會罷相，遂格然。兩淮已用其法，而荆襄尤有成規。至開禧，用兵禁旅多敗，而兩淮山水寨萬弩手，率有功特爲官軍所嫉，無以慰其心，盡其力耳。丙寅虜大舉，南牧圍安襄，以撼荆鄂。宣司檄召諸處兵，與湖北義勇俱往。救諸郡兵不待見敵而潰，所過鈔畧甚於戎寇。獨義勇隨其帥進退，不敢秋毫犯，蓋顧其室家門戶故也。其後文天祥建議以爲莫若委數州立一方鎮，俾爲



帥者就團結之中凡二十家取其一人以備軍藉一  
郡得二十萬家則可以得一萬精卒例而行之諸州  
則一鎮之兵當不下二三萬州郡見存之租賦可以  
備兵食見存之財可以備軍需古人抽丁之法或取  
之三家或取之五家今官收其米以就爲養收其財  
以就爲用旣食其力不當又重役其人惟於二十家  
取其一則衆輕而易舉州縣號召之無難數月之內  
其事必募爲帥者教習以致其精鼓舞以出其銳山  
川其便習也人情其稔熟也出人死生之相爲命也

鋒鏑之交。貌相識而聲相應也。如此兵者。一鎮得二  
三萬人。當凜凜然不下一敵國。合諸路列鎮。則精兵  
雖十餘萬。可有也。又何向而不可哉。惜乎其未之用  
也。至咸淳之季。邊報日聞。召募尤急。官降錢甚優厚。  
而強刺之禁亦嚴。然所司罔體上意。執民爲兵。或斗  
言誑誘。或詐名買舟。候負販者。群至輒載之去。或購  
船令全船疾趨。所隸政令軍婦。冶容招誘於路。盡刺  
涅之。由是野無耕人。途無商旅。往往聚丁壯數十而  
後敢入市。民有被執而赴火水者。有自斷指臂以求

免者有與軍人抗而殺傷者無賴乘機爲擾所在騷  
然則召募且無法矣棟選云乎哉至於水軍之制南  
渡以江淮爲邊境制加於前而沿流保隘相望守禦  
頻繁民勞彌甚咸淳末廣東籍蛋丁閩海拘舶船則  
公私俱弊焉兼之疆宇日蹙兵法愈壞叛將賣降庸  
夫秉鉞間有圖國忘死之士則遷制於權奸移屯更  
戍靡有定所於是戍卒疲於奔命不戰而死斃者衆  
矣嗚呼國何嚮息於乍和乍戰之間倚兵爲命而  
弊若此可徒謂敵強乎哉

葉心水論曰自唐至德以後節度專地以抗上  
令喜怒叛服在於晷刻而藩鎮之禍當時以爲  
大論矣然國擅於將猶可言也未久而將擅於  
兵將之所爲唯兵之聽遂以劫脅朝廷故國擅  
於將人皆知之將擅於兵則不知也大歷貞元  
之間節度固已爲士卒所立唐末猶甚而五代  
接於本朝之初人主之興廢皆群卒爲之誰戴  
一出天下俯首聽命而不敢較而論者特以爲  
其憂在於藩鎮豈不踈哉太祖旣稍收節度兵

柄故汰兵使極少治兵使極嚴所以平一僭亂  
威服海內者太祖統御紀綱之力非恃兵以爲  
固者也召募之日廣供餽之日增蓋端拱淳熙  
以後并州橫不可制而然耳康定慶曆謀國日  
誤恃兵爲國之說大熾不禁而天下始有百萬  
之兵弱天下以奉兵而其治無可爲者矣乃上  
下方揚揚然以爲得計爲之治文書聚財賦盡  
用衰世衰刻之術取於民以啗之而猶不足及  
其不可用也則又爲之俛首以事驕虜而使之

自安於營伍之中故王安石欲爲神宗講所以  
銷兵之術知兵之不勝養而不悟藉兵之不必  
多教諸路保甲至四五十萬陰欲以代正兵正  
兵不可代而保甲化天下之民皆爲兵於是虛  
耗之形見而天下之勢愈弱矣元祐廢罷保甲  
史臣以爲太祖設階級之法什伍壯士以銷姦  
雄之心兵制最明而百餘年無禍亂王安石不  
足以知此者實錄所載蓋當時議論之本原也  
雖然王安石則信不足以知此而不爲王安石

者○豈○能○知○之○哉○。○至○於○紹○聖○以○後○則○又○甚○矣○。○保○甲○  
復○治○正○兵○自○若○。○內○外○俱○耗○本○末○並○虛○。○大○觀○正○和○  
中○保○甲○之○數○至○六○十○七○萬○。○二○法○皆○弊○名○具○實○。○  
故○軍○制○大○壞○而○士○卒○不○能○被○甲○荷○戈○。○平○民○相○更○  
化○爲○盜○賊○。○幹○離○不○始○挾○兵○。○纔○萬○餘○長○驅○而○至○。○莫○  
有○敵○者○。○倉○卒○遣○人○召○白○徒○以○勤○王○。○京○師○失○守○則○  
勤○王○之○人○。○寇○掠○遍○天○下○矣○。○嗚○呼○痛○哉○。○養○兵○以○自○  
困○。○多○兵○以○自○禍○。○不○用○兵○以○自○敗○。○未○有○甚○於○本○朝○  
者○也○。○而○議○者○猶○曰○恃○兵○之○固○。○制○兵○之○善○。○可○因○而○

不可改。可增而不可損。是厚於大。而重其國。  
家也。自靖康破壞。維揚倉卒。海道艱難。抗越草  
創。天下遠者命令不通。近者潰橫。莫制。國家無  
明具之威信。以驅使強。早而諸將自誇英雄。劉  
光世。張俊。吳玠。兄弟。韓世忠。岳飛。各以成軍。雄  
視海內。其玩寇養尊。無若劉光世。其任數避事。  
無若張俊。當是時也。廩稍惟其所賦。功勲惟其  
所奏。將校之祿。多於兵卒之數。朝廷以轉運使  
主餽餉。隨意誅剝。無復顧惜。志意盛滿。仇疾互



生而上下同以爲患矣。及張俊收光世兵柄制  
馭無策。呂杜以疎俊趣之一旦殺帥卷甲而遁。  
其後秦檜慮不及遠。急於求和。以屈辱爲安者。  
蓋憂諸將之兵未易收。浸成疽贅。則非特北方  
不可收。而南方亦未易定也。故約諸軍支遣之  
數。分天下之財。特命朝臣以總領之。以爲喉舌  
出納之要。諸將之兵盡隸御前。將帥雖出于軍  
中。而易置皆由于人主。以示臂指相使之勢。向  
之大將。或殺或嚴。惕息俟命。而後江左得以少

安故知其爲深患者若此而已。雖然以秦檜之  
慮不及遠也。不止以屈辱爲安。而直以今之所  
措者爲大功。疲盡南方之財力。以養此四大兵。  
搖搖然常有不足之患。檜徒坐視而不恤也。檜  
久於其位。老病而死。後來者習見而不復知。但  
以爲當然。故朝廷以四大兵爲命。而困民財。四  
都副統制因之。而侵削兵食。內臣貴倖因之。以  
握制將權。蠹弊相承。無甚于此。而况不戰既久。  
老成消耗。新補惰偷。堪戰之兵。十無四五。氣勢

懦弱○加以○役○使○回○易○交○跋○債○負○家○小○日○增○生○養  
不○足○怨○嗟○嗷○嗷○聞○於○中○外○者○祖○宗○竭○天○下○之○財  
以○養○天○下○之○兵○前○世○之○所○無○有○而○今○日○竭○南○方  
之○財○以○養○四○屯○駐○之○兵○又○祖○宗○之○所○無○有○也○且  
廂○軍○供○雜○役○禁○軍○教○戰○守○弓○手○爲○獠○之○巡○徼○土  
兵○爲○鄉○之○控○扼○夫○供○役○有○兵○備○戰○有○兵○巡○徼○有  
兵○控○扼○有○兵○大○州○四○五○千○人○中○州○三○千○八○小○州  
二○千○人○計○一○兵○之○費○其○正○廩○給○之○者○居○其○一○焉  
因○兵○而○置○營○伍○將○校○其○上○則○路○分○鈐○轄○總○管○者

居其一焉。恩賜閔視借請參食者。居其一焉。緣  
兵之蠹弊。虧公病私者。又居其一焉。民之所謂  
第一等戶。盡其賦入。不足以衣食一兵。今州郡  
二稅之正籍。盡以上供者。及其所趨辦酒稅粟  
名。盡以上供者。朝廷既自養大兵。而州郡以其  
自當用度者。又盡以養廂。禁土兵。又有配隸罪  
人。牢犴充塞。亦州郡所養。然則財安得不匱。而  
民安得不困乎。夫所以養兵者。爲其有事而戰。  
不爲其無事而備也。無事而備。則必有不養之

兵而後可。今養之於無事。竭州縣之力。以衣食之固。非所以戰也。則雖有百萬之兵。而不免自貶爲至弱之國。乃其勢之宜然爾。夫兵以少而後強。財以少而後富。去一患則得一利。一州之兵患去則一州利。一方之兵患去則一方利。兵患去則兵強。惟所用之無不可者。朝廷果決於此。豈有久而不革者哉。

馬端臨論曰。古之兵皆出於民者也。故民附則兵多而勃然以興。民叛則兵寡而忽焉以亡。自

三代以來皆然也。秦漢始有募兵，然猶與民  
參用也。唐之中世始盡廢民兵而爲募兵，夫兵  
旣盡出召募，於是兵與民始爲二矣。兵與民爲  
二，於是兵之多寡不關於國之盛衰，國之存亡  
不關於民之叛服。募兵之數日多，養兵之費日  
浩，而敗亡之形反基於此。唐自天寶以來，內外  
皆募兵也。外兵則藩鎮擅之，內兵則中人擅之，  
其勢不相下，而其力足以相制。故安史反叛而  
郭子儀、李光弼以節度之兵誅之，朱泚僭亂而

李晟渾瑊以神策之兵誅之及其衰也宦官則  
以內兵而劫制人主方鎮則以外兵而擅廣土  
地及朱溫舉兵內向盡夷中人廢神策而唐之  
鼎祚移於內楊行密錢鏐馬殷王建劉仁恭李  
茂貞之徒以卒伍竊據一方而唐之土宇裂於  
外而唐遂亡矣中更五代則國擅於將將擅於  
兵卒伍所推則爲人主而國興矣非以得其民  
也其所廢則爲獨夫而國亡焉非以失其民也  
宋有天下藝祖太宗以兵革削平海內暨一再

僞則兵愈多而國勢愈弱元吳小醜稱兵構逆  
王旅所加動輒敗北卒不免因循苟且置之度  
外洎女真南牧徵召勤王之師動數十萬然援  
河北則潰於河北援京城則潰於京城於是中  
原拱手以授金人而王業偏安於江左建炎紹  
興之間騎兵潰卒布滿東南聚爲大盜攻陷城  
邑荼毒生靈行都數百里外卒爲寇盜之淵藪  
而所謂寇賊者非民怨而叛也皆不能北向禦  
敵之兵也張韓劉岳之徒以輔佐中興論功行



賞視前代衛霍褒鄂曾無少異然究其勲庸亦多是削平內寇撫安東南耳一遇女真非敗則遺縱有小勝不能補過而卒不免用屈已講和之下策以成晏安江沱之計及其未也夏貴之於漢口賈似道之於魯港皆以數十萬之衆不戰自潰於是賣降效用者非民也皆宋之將也先驅倒戈者亦非民也皆宋之兵也夫兵既不

出於民故兵愈多而國愈危民未叛而國已亾唐宋是也噫兵猶手足也國猶身也手足強壯

則身存手足枯槁則身廢兵多則國存兵少則國亡未有以兵多而亡者今唐兵華多強悍而不爲用猶病狂易之人奮拳舉爪自醫其瘡自屠其腸以至殞身也宋兵雖多劣弱正不可用猶病癱瘓之人恣其芻豢以養樞樞之四肢脛如腰指如股而病與之俱增以至於殞身也然則所以覆其國者乃兵也所以斃其身者乃手足也又古者籍民爲兵其法不過因其戶田之可賦者賦之年齒之可任者任之民固不容

於倖免而亦不可以濫入。司馬法曰：使智使勇，使貪使愚。蓋言戶盡爲兵，則君子小人賢與不肖盡出其間也。自募兵之法行，於是擇其願應募者而所謂願應募者非遊手無籍之徒，則負罪亡命之輩耳。良民不爲兵也。然則募兵所得者皆不肖之小人也。夫兵所以耗國而皆得不肖之小人，則國之所存者倖也。紀綱尚立，威令尚行，則猶能驅之以親其上，死其長。否則潰敗四出，及爲生民之禍，而國祚隨之矣。

元之有國。肇基朔漠。雖其兵制。猶參古法。太祖宗。滅夏。剪金。寔藉風飛。奄有中華。及世祖。即位。平川。蜀。下荆。襄。繼命大將。帥渡江。盡取南宋之地。天下遂定于一。豈非盛哉。考之國初。典兵之官。視兵數多寡。爲爵秩崇卑。長萬夫者爲萬戶。千夫者爲千戶。百夫者爲百戶。世祖時。頗修官制。內立五衛。以摠宿衛。設親軍都指揮使。外則萬戶之下。置總把。百戶之下。置彈壓。立樞密院。以摠之。遇方面有警。則置行樞密院。事已則

廢獨以罪去者則否若夫軍士則初有蒙古軍探馬赤軍蒙古軍皆國人探馬赤軍則諸部族也其法家有男子十五以上七十以下無衆寡盡僉爲兵十人爲一牌設牌頭上馬則備戰闕下馬則屯聚牧養孩幼稍長又籍之日漸丁軍旣平中原寢民爲卒是爲漢軍或以貧富爲甲乙戶出一人日獨戶軍令二三而出一兵則爲正軍戶餘爲貼軍戶或以男丁論嘗以二十丁出一卒至元七年十丁出一卒或以戶論二十丁

戶出一卒而限年二十以上者充士卒之家  
富商大賈則又取一人曰餘丁軍至十五年免  
或取匠爲軍曰匠軍或取諸侯將校之子弟充  
軍曰質子軍又曰禿魯華軍是皆多事之際一  
時之制天下旣平嘗爲軍者定入尺籍伍符不  
可更易詐增損丁產者覺則更籍其實指以印  
印之病死戍所者百日外役次丁延陣者復一  
年貧不能役則聚而一之曰合併貧甚者老無  
子者落其籍戶絕者別以民補之奴得縱自便

者俾其至帖軍其戶逃而還者復三年又逃者者杖之投他役者還籍其繼及得宋兵號新附軍又有遼東之幼軍契丹軍女直軍高麗軍雲南之寸白軍福建之畚軍則皆不出戍他方者蓋鄉兵也又有以枝名者曰砲軍弩軍水手軍應募而集者曰答刺罕軍以兵籍係軍機重務漢人不閱其數雖樞密近臣職專軍旅者惟長官一二人知之故有國百年而內外兵數之多寡人莫有知之者其制宿衛諸軍在內而鎮戍

諸軍在外內外相維所以制其輕重之勢方太祖時以木華黎赤老溫博爾忽博爾木爲四怯薛及分番宿衛及世祖時又設衛以象五方始有侍衛親軍之屬置都指揮使以領之而其後增置改易禁兵之設殆不止於前矣夫屬寮隸列官禁宿衛之事也而其用非一端用之於大朝會則謂之圍宿軍用之於大祭祀則謂之儀仗軍車駕巡幸用之則曰扈從軍守護天子之帑藏則曰看守軍或夜以之警非常則爲巡邏



軍或歲漕至京師用之以平壓則爲鎮壓軍至  
于在外各路立萬戶府各縣立千戶所以鎮壓  
各處其所部之軍每歲第遷口糧府縣關支而  
各道以宣慰司元帥總之初以武功定天下四  
方鎮戍之兵亦重矣然自其始而觀之則太祖  
太宗相繼以有西域中原而攻取之際屯兵蓋  
無定向世祖之時海宇混一然後命宗王將兵  
鎮邊徼襟喉之地而河洛山東據天下腹心則  
以蒙古探馬赤軍列大府以屯之淮江以南境

盡南海則名藩列郡又各以漢軍及新附等軍  
戍焉承平既久將驕卒惰軍政不修而天下之  
勢遂至于不可爲矣

國朝兵制

國朝兵制大槩有四曰京兵曰禁軍曰腹內衛曰外衛  
兵曰邊兵京兵者拱護畿輔營衛王宮其制有二衛  
官禁者錦衣等十六衛番上宿衛爲天子禁衛之兵  
如漢南軍之制則指揮使領之衛京城者留等四十  
八衛遇有征伐則調發之爲天子征討之兵如漢北  
軍之制則五軍都督領之是也留都兵者起自

太祖先定鼎金陵所設者也腹內衛所兵者 洪武  
元年所定衛所官軍乃將帥將兵之法其法自京師

達於郡縣皆立衛所大率以五千六百人爲一衛一  
千一百二十人爲一所一百一十二人爲百戶所每  
百戶所設總旗二名小旗十名管領鈴束通以指揮  
使等管領之大小相聯以成隊伍者是也邊兵者捍  
禦各邊屯戍要地如薊遼大寧諸司等衛是也大槩  
於京師設都督府五衛七十二於畿甸設衛五十餘  
於四方設都指揮使司二十一留守二衛百九十一  
守禦屯田羣牧千戶所二百十有一於夷服設宣慰  
安撫長官司十五番夷都司衛所百有七凡有事征

伐則詔總兵佩將印領之既旋則上所佩將印於朝  
軍歸衛將歸第權自上出不敢有所擅調初定府州  
縣時張赤白旗二立之郊下令曰願爲吾兵者立赤  
旗○下○願○爲○吾○民○者○立○白○旗○下○因○著○藉○而○律○嚴○人○戶○以  
藉○爲○定○之○條○蓋○軍○民○遂○分○而○於○時○取○兵○非○一○途○有○從  
征○有○歸○附○有○謫○發○從○征○者○將○所○素○將○之○兵○平○定○其○地  
因○留○戍○者○也○歸○附○者○勝○國○及○諸○僭○僞○者○所○部○兵○舉○部  
歸○義○者○也○後○乃○謫○發○諸○罪○隸○爲○兵○至○其○後○稽○覈○之○要  
又大率有五日見伍日召募日徵調日清勾日充發

此我朝軍伍之畧也。國初設翼元帥府已析翼府中軍及左右哨左右掖爲五軍曰五軍營。永樂初旣增七十二衛之制而以龍旗下三千胡騎司寶纛令旗立三千營後征交趾得神鎗火箭之法令演習立神機營總三大營營各設管操官曰提督各哨有分管官坐營曰坐司而統以文武大臣平若番上宿衛衛皇城西門領銅符分信地以爲守宵夜鑿警禁衛兵卒日給食家無丁中有父毋若單夫隻妻者諸存恤優厚而嚴上直折伍頂替之律凡國有大師

中營居中外分駐五軍步內騎外爲神機營外有  
長圍周二十里而樵採其內置教場于京師時操練  
而調河南山東大寧中都四都司官軍輪操于京師  
其錦衣衛主禁廷鹵簿儀仗之事旗手司主旗纛金  
鼓之令諸衛皆統軍卒而錦衣衛獨領校衛力士蓋  
周之虎賁旅賁也諸軍皆正率而府軍獨僉幼軍卽  
漢之六郡良家子也諸衛官皆世獨錦衣不世以使  
能時兼刑獄而以嚴禁衛爲專官大都以親軍十二  
衛衛官禁以五府四十二衛衛京城又以錦衣一衛

假任權以制親軍親軍之衆勢又以制錦衣軍而合  
親軍錦衣與五府兵又適相當蓋彼此相羈維之局  
也蓋與周官宮正太僕所掌漢南北軍唐南北衙宋  
殿前侍衛司無異而錦衣之任獨與唐元從禁軍合  
其外郡邑之兵各隨地省要以爲繁簡疎密而京師  
約宿兵三十餘萬畿內約二十餘萬盡諸邊之兵不  
過此而括諸省之兵亦不克當此亦內外相應制之  
局也說者謂山東河南萬全大寧輪操不三輔而意  
存管管別設司馬不樞密而鈐攬有事出本兵請符



定帥不開府折衝而勢張故戰則國威守則國固豈  
非居重馭輕之制萬世長久之道故已天下承平武  
備日弛至中官王振專軍而土木之變作景泰初  
侍講劉定言國家養兵之費亟矣乃今軍受粟公  
門納錢私室名之曰月錢故手不習攻殺擊刺之法  
足不習坐作進退之方目不識旌旗耳不聞金鼓負  
販而爲商或匠作而爲工其工商之所得又纔足以  
支月錢之費是民之膏血氣力皆變而爲金銀以惠  
姦宄也一旦率以臨敵如驅羊御狼豈有振哉宜痛

革月錢之弊作新操練之政而御史魏瀚言遷者虜  
寇長驅動以萬數而兵部以召募之兵應之可爲寒  
心今京軍不下三十萬或占役於私家或借工於公  
府或買閑而輸月錢或隨從而僻役使其聽操練者  
大率皆老弱不勝甲冑者也且馬多羸瘠器非犀利  
而取其折衝禦侮豈不難哉伏望責總兵等官將營  
軍整蒐訓練命給事中御史非時按視之有賣放  
占役諸弊聽參究而節財省費一之於振軍當是時  
兵部尚書于謙議以京師軍馬分隸五軍神機三

十管者雖各有總兵等以統御之然不相統御一有發調獨批選湊撥以行故兵將不相知難以効實今於見操諸營軍精選得勝兵十五萬分十大圍營操之營二萬人各設都督統焉隊伍十人有管隊二隊百人有領隊官積二十隊千人立都指揮御焉而隸于都督其管隊把總大小總兵官各量其才器謀勇以克使互相統轄遇團操時臣等時出意調一二隊點閱第呼其把總隊長姓名卽各頂本隊卒以來驗其識認與否比較其武藝精熟與否使將軍者知士

之疆弱爲軍者熟將之號令遇有警急量賊勢多少  
敵多則合營俱動少則調一二營或萬人或數千人  
皆原管統以行如此則體統相維兵將相知士伍熟  
習易於閱會號令歸一易於使令比平日混操奏撥  
強弱不辨號令不習者萬不伴也其團營外仍次第  
其精壯備緩急之調以持助國威制日可於是定  
分爲十大營而團營之法始於此英宗復位罷  
團營復三大營八年復置成化初復罷尋復置  
弘治中兵部言自景泰初設十團營而來僅踰二

其將兵等官費放冒支之弊漫無紀極不一毀究  
將糧餉徒費而兵政日弛於是選京衛勝兵八萬外  
衛八萬其外衛分兩班班四萬與京衛番上共十有  
二萬定分爲十二團營曰奮武耀武練武顯武敢勇  
果勇効勇鼓勇立威神威揚威振威營各有坐營把  
總等官專團操有征調揆撥以行其老弱不任戰陣  
者曰老家在營備作使不服戎而天子仁聖慮制  
軍欲於畿輔地各團操爲京師掖問本兵尚書劉  
大夏對曰甚善今京西保定府獨設都司統五衛本

祖宗意蓋如此。遂發保定京操軍回衛操復。勅都指揮往蒞之。乃有造飛語帖宮門。誣大夏受私賄。爲卒言還衛操自便者。上見之。微哂曰。宮門豈外人可入。獨此曹忿不得役此軍爲言耳。於是十二團營外北隸山東河南江北各都司衛所兵團番上而禁旅益強。時大夏柄兵。受養士力。諸占役頓減。而脩乾清宮。軍夫亦奏減十之五。督工者以不恤大工爲言。激上怒。下問臣調。旨詰責閣學士健。對曰。愛惜軍夫。此司馬職也。司馬議固當。日大夏每以老辭位。

沐○淵○ 旨○勉○留○尚○乞○骸○不○自○休○若○切○責○ 旨○下○波○以○  
不○職○固○辭○誰○復○有○憂○國○奉○公○如○大○夏○可○代○居○此○位○者○  
上○欣○然○開○納○省○所○用○軍○夫○具○如○大○夏○言○ 武宗改

元○奸○璫○劉○瑾○既○貨○掌○司○禮○尋○提○督○團○營○厥○後○監○軍○大○  
璫○張○永○谷○大○用○陸○闇○等○益○橫○不○可○制○至○ 正德六年○  
設○東○西○兩○官○廳○於○大○內○其○規○制○倣○團○營○選○宣○府○大○同○  
遼○東○延○綏○驍○騎○充○之○曰○四○家○兵○初○以○太○監○張○忠○領○東○  
廳○都○督○許○泰○領○西○廳○未○幾○益○以○都○督○劉○暉○張○洪○神○周○  
而○ 令○都○督○江○彬○兼○之○ 上○自○領○閩○人○善○騎○射○者○爲○

一營謂之中軍且夕操練呼噪砲礮聲徹九門鐵文組甲照耀宮苑上親閱之名曰過錦後以南征

上自署號威武大將軍而以江彬許泰爲副將軍其十二營自如騰驟四衛舊稱禁軍正德中隸中官

詭冒依附爲奸欺不可詰嘉靖初兵部尚書李承

勛言官府一體請考選論覈隸本部如旗手等衛許

之而內臣言四衛禁軍隸兵部不便往歲如彰義門

破虜如京市勦曹賊皆四衛功蓋以直內故號召易

集也今使外隸倘卒有急難號召非便承勛言往歲



之○事○正○以○兵○權○歸○閣○人○致○亂○彰○義○門○之○戰○尚○太○監○王○  
振○東○市○之○賊○卽○太○監○曹○吉○祥○也○ 國家軍政有統豈  
當○秉○之○內○臣○云○易○驅○集○哉○ 詔如議行久之大學士  
楊一清疏京營之弊言自關十二營而來因陋就弊  
垂四十年而戎政則日耗矣士卒殷實者出錢包班  
而其名徒存貧難者饑寒零丁而其形徒在衣裳藍  
縷氣息奄奄平居且不能以自存一旦有急又安能  
以羸饑之身爲 國家捍百戰未挫之虜哉比緣有  
警選一二萬兵以行業已通各營挑選而具再欲檢

一○二○萬○則○團○營○與○老○家○無○異○不○可○得○復○克○矣○夫○軍○以○  
衛○民○民○以○養○軍○今○各○營○軍○月○支○米○八○萬○一○千○五○百○餘○  
石○歲○支○米○九○十○七○萬○八○千○餘○石○是○皆○百○姓○膏○血○之○餘○  
也○及○選○用○勝○兵○課○二○三○萬○人○而○不○足○其○統○兵○將○官○皆○  
臨○期○選○用○將○不○知○兵○兵○不○知○將○延○稽○日○月○苟○以○辨○裝○  
爲○解○往○往○有○將○官○已○至○關○口○而○士○卒○尚○留○京○師○都○  
人○至○相○傳○爲○笑○是○養○兵○不○堪○用○而○芻○糧○爲○徒○費○也○  
正○德○中○山○東○北○直○隸○羣○盜○縱○橫○乃○調○宣○大○陝○西○遼○東○  
邊○兵○征○之○踰○年○而○後○定○則○是○豈○強○幹○弱○枝○之○意○哉○

其時三邊無警，故徼以集事。假令夷狄外侵，邊軍不得動掣，則內盜將置之不問乎？臣謂邊人輕中原之心，必自此啓矣。夫今不爲後益難治伏乞勅提督官申教練之法，薄優恤之恩，禁侵削之害，嚴役占之條，痛革宿弊，使耳目一新，精彩立變，庶幾壯國元氣，而衛民命焉。久之提督營務都御史王廷相言：今團營號十有二萬，而京衛民追胥捕盜者已五千人，外衛撥赴工，搜木則數萬人矣。雖云暫借終年，伍虛其見虛者，又老羸罷弱，不能兵者甚衆。夫軍欲其戰勝

攻取須養其銳氣使專於武藝不以雜役而荒奪其  
心今困苦以勞其身畚鍤以亂其習而欲其張皇威  
武以敵國所愾何可復得且軍類多貧下而吏胥無  
賄不行富者畏懼營操則賂稱揀退而終歲優閒貧  
者無力輕營則拘之團操而無時休息此軍之所以  
不精也乞按營軍真正丁日選其精壯摘牌替役務  
足十六萬之數而嚴團管軍士毋別差之令于是散  
遣邊兵而提督用武定侯郭勲爲帥故太監張永尚  
書李承勛監之張李宿將頗欲有所飭厲與武定不

能繼以疾卒而兵政益大廢弛大學士張璉言  
景泰初于謙設立十二團營最爲緊要日久漸廢至  
正德間時江彬用事引邊兵入內操練而團營益壞  
今虜寇宣府欲選京軍征討十二萬人而中選者不  
滿二三萬蓋由強壯者役占權門瘦羸者掛名影射  
夫戶部糧冊十二萬原數不闕一人而點選僅僅若  
此設有警變何以備之乞 勅權要私占軍丁者清  
出補伍以充十二萬原數而量爲精選以備先鋒至  
於每營總兵叅將等官必擇知兵宿將爲之不宜專

以侯伯膏梁子弟濫充仍戒不得剝削軍士以離其  
心擅令工作以傷其力無事之日如法操練有事之  
日奉命啓行務使將必知兵兵必克敵如此則營伍  
充實京師有備夷狄之患不足慮矣上嘉納是  
時武定主兵二十餘年所培克以鉅萬計中外啣怨  
尋以罪免成國公朱希忠代朱少年不更事其政無  
以踰武定時虜報益急圍營見兵少乃僅選三萬騎  
聽征各都督一人總之而圍營所餘者非老弱則入  
元帥中貴私家矣兵部尚書毛伯溫言振舉戎政必

先精擇將領撫綏士卒兵將相恤故法令得行邇聞  
將官徃徃剝取軍需以通賄賂士窮且驅以馭敵宜  
其敗矣請 勅各官洗心滌慮無蹈前弊一切軍需  
悉以給軍將官絕營求之路則政本清軍士裕衣食  
之資則士氣倍戎政急務莫先於此 上納其言已  
有言京營軍士尚缺二萬乞募充補者下兵部尚書  
毛伯溫言今日之事不在足兵而在選兵不在生財  
而在節財若所募匪人不特無益營伍且虛費糧餉  
臣謂募兵之議暫宜停罷第令見在時加訓練汰其

老弱冒替使在營皆可用之兵無坐食之患爲可耳。從之二十九年八月虜大入寇竟薄都城京兵出禦之死者萬餘旣闔門兵不足蔽睥睨。天子震怒兵部侍郎王邦瑞言國初京營勁兵不減七八十萬而元戎宿將常不乏人嗣是三大營變而爲十二團營又變而爲兩官廳雖浸不初若然原額軍尚足三十萬八千有奇迄今承平旣久武備廢弛在營操練不過五六萬人而戶部支糧則有兵部調遣則無比者。驪虜深入守城出戰動稱無軍其見在者率老弱



疲憊市井遊販之徒。衣甲器械。取給一旦。臣以爲率  
伍之不足。其敝不在逃。而在占役。訓練之不精。其  
罪不在軍士。而在將領。今之提督武臣。多世胄統緒。  
不闕軍旅。平時則役占營軍。以空名支餉。臨操則四  
集市人。呼舞博笑而已。先年尚書王瓊。毛伯溫。劉天  
和。輩嘗有意整飭之矣。將領惡其害已。率從中阻撓。  
軍士久習。驕惰輒流。昌言清理未半。復從中止。彫敝  
至極。我皇上親見其害矣。宜差風力科道。通十二  
營人馬數目。取戶部糧冊。參考見在者。必汰去老弱。

逃亡者設法勾補占役者悉徵著伍然後人給衣甲  
器械加意練習勿爲羣議浮言所搖庶幾營務可飭  
矣已又奏言今國家之所患者唯虜所最甚患者  
唯士卒弗振臣以爲斯二患者非深患也所謂深患  
者唯在中貴人典兵夫今之團營卽漢之北軍唐之  
府兵宋之禁旅所以衛京都備不虞至重矣其令勳  
臣掌之者謂其明武畧令文臣共之者謂其督怠弛  
令中貴人監之者謂其防壅蔽總之以厲兵振威焉  
乃者胡馬來侵臣調團營兵令出城擊胡而十二營

牛○空○見○卒○又○罷○弱○曾○不○任○旗○鼓○夫○卒○士○罷○弱○罪○屬○之○  
文○武○二○臣○不○得○解○矣○至○空○無○人○者○則○乃○中○貴○人○爲○之○  
外○語○籍○籍○咸○以○爲○有○輸○錢○脫○更○之○弊○是○本○用○監○軍○反○  
用○蠹○軍○矣○ 陛○下○若○不○赫○然○立○罷○之○則○歲○月○旣○積○消○  
耗○益○甚○假○令○虜○踵○前○智○復○射○一○矢○于○闕○下○誰○與○驅○逐○  
此○可○爲○寒○心○者○也○夫○刑○餘○之○人○典○在○傳○公○車○之○命○供○  
掃○除○之○役○已○耳○令○其○參○列○壇○塲○固○已○虧○體○而○况○于○作○  
蠹○耶○夫○久○服○之○裘○必○弊○常○用○之○器○必○缺○請○罷○中○貴○人○  
勿○使○更○濫○戎○機○亦○其○保○軀○善○後○之○圖○也○中○貴○人○旣○罷○

則什五克實卽於什中選伍於伍中選一豐其饋饗  
時其練習卽可得精卒以精卒當戎虜虜雖強何患  
哉故曰二患非患中貴人典兵所深患也又觀在營  
諸將徒善爲容難以效實臣欲調諸邊名將久處行  
間諳穰苴之畧者營各置數人而罷其善爲容者則  
李漢在軍而舞車之徒出王翦開壁而趨距之卒奮  
所以懾外夷安中國滌舊耻伸新威計無急於此者  
於是革去十二營兩官廳名目改十二圍營爲三大  
營曰五軍曰神機曰神樞總曰戎政府改京營總兵

官日總督。戎政官一員。以仇鸞爲之。黃璽。軍務文。一員。遂華。提督監檢。內臣。旣而仇鸞復請。以日去營。歸五軍營。中軍四勇營。歸左右哨。四軍營。歸左右掖。中軍左右哨。掖各設坐營官一員。爲正兵。參將二員。爲奇兵。正兵以備守城。有警則以奇兵出征。從之。鸞又請選袖各邊銳卒衛京師。使京兵雜出而征戍。日轉弱爲強。兵部曰。邊鎮乃京師門戶。禦寇不干門戶。而格闕于堂。與可乎。上命宣大二鎮勿徵寇。入犯卽星馳入援。屬大將軍各鎮共選六萬八千人。

班上京師于營兵權練又遣京營諸將詣各邊訓練士卒以備北伐然見謂可聽耳其隱占賣放弊如故至肘腋之間則以豺虎盖人人寒心也亡何咸寧奸漸露以磔誅至三十五年罷團營仍復三營設總督武臣協理京臣一人而單內外提督官矣隆慶朝復遣司禮監一人閔視四年大學士趙貞吉上言我朝內外兵分隸五府乃高皇帝定萬世太平計俾免前代權臣握兵之害永樂末年因聚府兵北伐旋師後遂結營團操乃以三千神機二營

附之因號三大營其實皆五府兵也。正統末嘗變  
爲十團營。弘治間又加爲十二團營。正德間又  
添置東西官廳然五營之號未泯而五府意猶存也。  
至嘉靖庚戌嚴嵩欲爲賊將仇鸞地遂請特設戎  
政廳括內外籍鑄總督戎政印授鸞夫以五府外別  
立一廳則盡變。太祖分府之意以十萬衆統一  
於人則盡變。成祖分營之意向使鸞誅晚則時  
事之危未可測也。合無將見操官軍九萬人分爲左  
右前後中五營各擇一將統之責令開營教習仍以

文臣巡覈之。每歲春秋較閱將官能否。軍士勇怯。技藝生熟。皆得奏聞。賞罰行焉。要令所營齊成。精銳有事則領。勅將兵於關外事畢。則納印歸卒於營中。如是則大阿之柄。獨持於上。而輦轂下有數萬精兵。隨所用而可矣。下兵部議。尚書霍驥言。任仇鸞之誅。乃將之無良。非法之不善也。貞吉深鑒。後輒建議。更制以收兵權。不爲無見。但法未至于大壞者。無貴紛更。議有涉于異同者。當從衆論。今制總爲三大營。以統其綱。分爲三十小營。以理其目。兵柄不偏於一。



將軍法不專於一人。有合操。有分操。有春秋閱。視有  
歲終考覈。此正所當欽承。無替者。諸臣多謂京兵訓  
練不在營制。更張而在將佐得人。操練如法。是皆探  
本之論。請三大營仍舊。則將領不增而役占少。號令  
不煩而體統明。似屬穩便。至論大將不宜專設。戎政  
不當有印。則防微杜漸。議亦可行。驥議營制。既與貞  
吉不合。乃請仍舊制。分五軍。神樞。神機。三大營。各以  
總兵一員統之。各給勅關防。以文職大臣一員總  
理之。既而以定西侯蔣佑領神樞。管平江。伯陳王謨

領神機營恭順侯吳維得領五軍如故俱爲總兵官  
每月輪祭神旗而三營各設文臣提督然自京營改  
六提督法令不一人持意見擇便利旬月不失給事  
中溫純言京營之弊失在不擇將而添將不增軍而  
增官不講訓練而講管制奈何以一輔臣故而用三  
大將以一勲臣故而用三侯伯又以三侯伯故而用  
三文臣假令此六人盡才且賢獨懼有十羊九牧之  
患况輒起異同不惟文武不相能卽文臣中亦自相  
矛盾于把總受叅遊令倏焉而文提督之令至又

焉而武提督之令至多指亂視多言亂聽居常猶忌  
况以之臨敵蔑不敗矣各衛所官軍雜三營中所有  
公私以一官往來六提督之門費可知也且三營各  
二副將各領兵五校不可謂分乎分矣得其人則合  
之爲三大營分之爲六副將又合之爲一總督一協  
理蓋祖用先制而諸輔將分屬領者又適輔臣分  
制之議夫誰日不可乃詔復京營舊制罷六提督  
更推總督協理大臣如故以後雖將有廉貪政有叢  
舉風弊大約如故蓋京師陸海易以影射一也輦

殺權貴所萃。動則掣肘二也。人不見敵。雖有拳勇。身不習戰。三也。嗚呼。欲兵之強。得乎。至若謫遣之制。歷朝寬恤。亦有可言者。洪熙時。時陝西官軍調京。師河南。山西軍調陝西。甘肅備禦道交遠勞苦。上聞之。謂兵部尚書慶曰。王道在順人情。命陝西官軍就彼備禦。河南山西軍備京操。不兩便乎。非徒費省。抑且安民。其速行。毋以道路糜軍。宣德中。敕天下衛所軍。准鄉井在伍。給裝難。其免原籍戶一丁。縣令專一供軍家。在營者一體行之。已罷邊衛士歲

辦柴炭之令、令得備邊、而嚴邊將受賂放軍、脫伍不  
差操之誅。正統初、大學士楊士奇言、御史濟軍有  
以陝西、山東、山西、河南北、直隸人、往南極邊補伍者、  
有以江浙、閩、廣、川、湖人、往北極邊補伍者、各不能其  
水土、北人死於瘴癘、南士死於寒凍、且其衛所相去  
遠者、萬里、近乃七八千里、路艱費劇、逃亾者多、長解  
負累、有死於溝壑而莫之知者、良可痛也。况今西北  
二邊、急於防守、而所在壯勇之人、調戍南方、顧以南  
方、脆弱不能寒苦之人、謫當之、大不便、伏覩 永樂

中 令北京人有各處充軍者毋勾補於河間立一  
衛衛 京師原衛別謫發克伍 宣德中 勅雲貴

川廣勾逃軍除本軍正身及丁已解發者外餘畱附  
近衛所帶管收操諸緣海地分聽畱著伍後屢申令  
則知 洪武罪犯恩宥免死不分南北發邊遠充軍  
者 太祖皇帝之仁所以懲有罪也後有罪者已  
死其補役者非其罪者也則憫其遠戍畱附近衛收  
操 太宗 宣宗之仁所以恤民隱也 陛下仰體  
祖宗之仁恩申明前令而部官執稱舊伍難以改受

念獨避文案繁勞而不思兵衛之無實不念下人之  
艱苦也豈體國憂民之道哉請自今從南北所宜發  
戍使人宜水土而兵政備豫使國盛時君相於軍隱  
注德意深至矣 正統己巳秋虜患亟募四方丁壯  
隸勇敢營衛 京師久多逋逃王者請治罪編尺籍  
御史鍊綱言方召募時本激以忠義許事定遣歸故  
勇夫健卒雲集爭自效今兵久不解而恩賚未及饑  
寒切身則逃固其所也且近 詔抵大辟者尚原死  
隸尺籍獨奈何使應募之士與此輩伍乎搜求太急

必生他虞兼邊務尚殷急於用武非所以勸士得人  
也詔勿問聽歸復業者數千人薊鎮右都督盧宗  
言今薊州關堡軍舊額二萬九千餘人今亡額踰三  
千無可補乞行法司擬請發囚徒以充雲南兩廣逃  
軍潛住境內者乞招集收用且邊關通寇路甚夥軍  
防守法疎欲選所屬軍衛舍餘若民壯編成什伍以  
時練蒐遇冬協守春深放免下部議部覆言謫戍囚  
徒行司就近收附遠方逃伍軍禁止不得收收之將  
軍勸於逃而巡撫都御史閻本立嘗奏四方軍民顧



投軍自效者聽宜舉行其舍餘民壯候邊急酌選用  
詔允行弘治中兵部尚書劉大夏以天旱引咎自  
陳請避位且陳兵政弊事十端以上一日京軍苦於  
出錢供用二日營軍困於役做工役三日江南軍士  
因漕運破家四日江比軍士因京操失業五日竭生  
民之力部運而濫食者衆六日竭國家之帑買馬而  
私雇者多七日各處鎮守監臣貪婪枉法八日各處  
守備內臣占軍數廣九日陞賞偏於勢要十日禦衛  
苞苴公行上嘉納之嘉靖初肅皇帝悼軍

政壞圯至。正德末而極屢。詔條下兵部尚書胡世寧疏閱軍實言天下衛所額軍逃絕者多遠年丁盡若埋沒者歲歲清查茫無根影其近日病故若逃亡者年年勾解隨復逃回在衛軍士備操者或金鼓不聞武藝不習而教場爲虛設或各掛行伍身不在營而得財以賣放故今養兵雖多能戰無幾在邊遇敵則嬰城守固而坐視鄉民之被掠在內有警則奏聞後遣而先累民壯之被傷至役占之弊尤不忍言如漕運京糧民間之費約米二石而致一石軍士之

勞苦不計焉。其邊儲又不止。是令軍月支米一石。又  
加之以馬匹草料。而投根勢。要止納月錢銀三二錢。  
而止。此爲以民間三四石米之費。而但爲勢要二三  
錢之需。天下若何而不窮也。且在昔克軍之戶。或由  
塚集。或由歸附。未必皆有罪也。何今貧絕而不免清  
勾。在今克軍之人。必皆姦豪。必皆巨惡。未必皆可矜  
也。何不數年而節蒙赦宥。况東南脆薄之人。克軍西  
北西北近邊之人。克軍東南。皆逃其逃。而兩不得其  
用。乞會議分查衛籍額軍若干。故絕若干。其丁盡戶

絕畧經清報者免勾以除民擾其不肯着役者必緩  
急難倚之人也悉改編原籍衛分以通之有缺伍則  
另選舍餘及犯罪者補克而五十以上許家人子孫  
代克其在逃二三次者依律科斷其情犯深重例請  
邊衛者貢賣家產全房遷發使絕後念其或一時難  
賣則令里甲鄉鄰認佃課租除歲賦外納官司類解  
爲軍裝庶在衛皆土著畏法而逃亾益鮮至衛所管  
軍官望弁省而嚴勢要役占之誅幸甚自是宿弊一  
清至於勾補之制始 洪武中開平衛卒馬名廣上

書陳時務言請收番衛兵徙都下重京師外衛兵  
老死家無丁者除其籍無勾補上頗以爲然擢爲  
泰和丞洪熙初詔各處勾補軍有丁盡戶絕者  
取原籍有司執結達衛所衛所上府部開豁毋展勾  
禍無辜亦不許將有丁之家放免空軍伍違者坐之  
宣德中畢業漸就乾沒黥者率用賂規脫而詭傳平  
民於籍逮之則被枉者衆於是天子璽書命  
給事中御史十四人分道清理御史銳意得軍以爲  
功不念民常州府同知張宗璉持不可爭之日璽

書○獨○清○軍○民○實○非○軍○柰○何○違○  
聖○書○毒○民○乎○御○史○怒○  
侵○辱○之○憤○恨○死○然○常○之○人○賴○以○免○於○在○者○十○之○七○八○  
蘇○佐○郡○者○力○助○御○史○霍○得○軍○而○在○民○以○干○計○嗟○怨○盈○  
路○彌○年○不○解○上○聞○之○召○本○兵○諭○曰○近○民○有○訴○妄○  
解○克○伍○者○有○司○過○也○朝○廷○於○軍○民○譬○水○舟○陸○車○豈○  
可○偏○哉○其○勅○有○司○審○實○毋○枉○民○縱○奸○於○是○詔○軍○  
戶○有○重○役○三○五○處○者○果○人○丁○消○耗○併○一○處○勾○補○餘○悉○  
開○豁○其○丁○盡○戶○絕○若○同○姓○人○爲○妄○報○被○勾○擾○者○有○司○  
從○實○體○勘○豁○之○正○統○初○復○申○飭○焉○是○時○南○直○隸○清○

軍御史郭觀荷以克伍爲功崑山民誣首戍伍至連  
逮二十四人賴巡撫都御史崔恭平反而定江西清  
軍御史尤酷烈勒里甲引平民按察僉事陳琦爭之  
不能得乃行巡所分道令民自首爲御史苦掠誣服  
者二百家悉縱遣歸農會御史以譴去民手瓦石伺  
道旁狙擊之而德琦不衰初 制中外衛所伍缺得  
徑勾已更制各衛所歲查節年逃伍乏丁當勾軍分  
別府州縣攢造清勾冊二上兵部部存其一以待考  
以其一轉發在所照名籍拘勾各司府州縣將所發

冊攢造已勾解名數若實。事故難解發若當除  
者具爲冊送部以待質而各省府州縣清軍設專官  
後患伍空。遣監察御史重風憲子專覈之權。必三  
年而後代命。專久得竟軍本末。令蠹癸無芽滋。其止  
軍戶下本有丁。捏無者本非老疾。捏老疾者則謫邊  
遠。保結里隣。摘發附近而逃。與窩藏者同罪。其御史  
受代還以清勾補伍名數多寡爲殿最。故清軍使者  
賢。律法嚴令其而止。否者以東濕繩下以鉗網。警民  
以苛愛爲風力安。祿保資而各清軍官恐勾補不及。



數爲已罪望風酷訊如在重辟必責之妄指捏報而後已有將不缺伍及在營有軍例不該勾人數作冊外清出者有戶絕後責坐甲認頂及妄指無干發解者於民滿太烈矣方始清勾時衛所官攢造清勾冊有厚費而勾到軍纔百之一其戶絕軍至有勾數十次者徒多費無益而法必歲勾則任意騰罵苟且塞責奸熒橫出有以見伍作缺者有有丁作無者有故逃待勾勾至自首者有移名換籍希解到作無憑收伍者計獨爲利窩而攢造次數愈多卽差訛愈甚其

州縣官清勾又獨按衛所名籍不分遠近年逃亾不分有籍與否槩里遁而呼集猾胥奸吏不分有勾單與否槩里遁而科索其有軍籍者不分戶已絕未絕槩里遁而嚴併官愈貪刻民被禍愈酷夫逃絕久者遠年丁盡既茫無根影其近年病故若逃者雖有起解復逃亾軍政條例所載諸當豁免者曾莫一省顧也○正軍以賂而倖免貧民無罪而干連有一軍缺而致死數人之命一戶絕而破蕩數家之產者此清勾之弊也○國初軍塚集者異遠近而謫戍者必邊衛

固矣。後以徒民實空虛之地。若商宦流寓他方者。所  
在多有之。今必勒還原伍。遠者萬里。近者數千里。身  
被剝擊。心懸桑梓。長號卽路。終天永訣。人非木石。誰  
能堪之。其戶弱丁單。則必沿門乞哀。搏頓求助。而後  
至。若族丁稍衆者。不以正戶應役。或脇委孱弱。或購  
推黠壯。孱弱之人。往往傳未達戍所。而身已斃於道。  
幸其能達。衣食鮮繼。水土未服。不寤而課。則老而獨  
亦焉。使用哉。此充伍之苦也。獨其壯黠者。則籍口死  
命。詐索親隣。坐享行裝。口食解伴。應解軍丁例。經

題准既許於本戶照丁根多寡道里遠近爲資遣矣。卽貧丁少者亦抑勒里甲僉令押解爲之造冊爲具齋資爲置買妻小其說以爲遇之厚庶得其心無逃亾也。然亾命曾不爲哀止其戶絕捏報名清出者里遞豪猾既以賂免其愚懦畏法者則買行丐人以克他置軍妻給資齋不在是夫是押解一名若二名者非有腴田上貲應出錢更也。又非身犯罪謫應流徙也。必使之廢廬產鬻子女觸冒寒暑交歷瘴險以與軍共一旦之命故管解而至於千里之外則下產半

廢二千里之外則下產盡廢三千里之外則中產亦  
廢矣比抵衛所衛所官滋留難覆與軍爲市問管解  
者家殿實與否爲賂厚薄必得當而後遣少違期限  
有司者又得以其法而繩之解者質衣并日空橐囊  
厯得報而反而所解者或管稱齋冊或委託取裝衛  
官受其賄囑利彼月根押解歸未及門所解已旋踵  
而至而逃還者不在其所買爲軍妻者恩旣不屬  
視如嚼核及軍旣逃終流落乞丐而凍餒以死此管  
解之苦也諸爲讐家報復以同姓同里妄指誣陷至

燁丁竭產莫之勝說而里書黠者將遠年軍由抽匿  
洗改歲久事恬詭秘之迹寢就微滅簿書緣絕無從  
詰究有司者終莫能覺發蓋或一軍戶而分爲三五  
戶者或一軍來歷而彼此互異者或軍冊有名而黃  
冊不載者或黃冊備詳而軍冊簡略者甚至軍祖姓  
名傳寫訛謬以黃爲王以魯爲曾以黎爲李又或戶  
本絕也而更歷百年猶載老丁或戶本未絕而規圖  
影射輒稱丁盡斯滿勾之弊極此矣嘉靖中兵部  
尚書王憲用主事王學益畫請停衛所每年造冊之

令製軍單令將逃故軍士用堅白厚紙署名籍印鈐  
爲單隸部者送部隸都司者類送部轉勾造底冊送  
部存照其後每年將新逃故軍士填單類造總冊以  
衛統所所各一冊百戶將原額軍役填滿外上之部  
一存衛一類送各司府州縣有司不必歲造逃故冊  
登答及未奉單勾者妄勾俱禁止焉而第照部發軍  
單逐一清審內有丁者卽與解送着伍而赦免及無  
勾者卽與開豁各清軍但以完銷軍單明白無弊及  
不在民爲賢否不主於得軍而各衛所扣軍糧造冊

不○費○之○費○省○矣○又○總○冊○一○立○百○年○不○改○勾○單○之○發○無○  
事○煩○復○而○衛○所○訛○寫○妄○勾○之○弊○革○矣○武○庫○得○案○藉○而○  
稽○御○史○得○按○法○而○糾○軍○衛○該○勾○者○有○丁○在○所○必○勾○無○  
丁○在○所○必○豁○而○有○司○虛○文○應○故○及○刻○薄○取○功○之○實○絕○  
矣○後○御○史○孫○慎○奉○命○江○浙○福○建○清○軍○鄒○文○莊○守○益○  
謂○之○曰○天○下○利○害○其○大○較○可○籌○也○利○於○國○弗○利○於○民○  
憂○國○者○爲○之○利○于○民○弗○利○于○國○憂○民○者○亦○爲○之○今○軍○  
武○之○弊○極○矣○軍○無○餘○胤○吏○有○額○需○怵○威○者○妄○承○挾○怨○  
者○妄○指○下○吏○招○賂○者○乘○人○所○苦○誣○無○爲○有○橫○縱○以○幾○



利卽庸謹者畏譙諫承風旨傳致疑似以求當長解  
荼毒家破身殞而新軍入伍未黔突而逃也蓋萬姓  
受其害而朝廷曾一無所利國與民交病柰何弗  
爲一釐正之乎 廟堂成規非可猝議但戶絕挨無  
逾清查者五則 列聖旣久宥之矣而奸胥蟠糾神  
出鬼沒里迓歲輸一不滿所欲輒誣而剝之是利不  
在官不在民而獨在於貪黠之群胥也宜廣奏罷挨  
無軍以宣 上德又爲書於政府言之於是御史舉  
挨無名籍軍戶絕若例免勾者備覈實上兵部請罷

勾移各衛所擅勾者以違制罪久之天子爲下停  
差清軍御史之令寬管解逃軍若軍赴衛違限之科  
蓋恩德綦深厚矣而二司清軍官日玩愒自處于閒  
官逸吏以致支卷糜減冊籍差訛雖勾軍重務惟付  
胥吏任其磨造於是議者請申飭無論御史差否每  
歲及期守巡巡行勸令勾單清審填註存丁解者  
當年繳進移跟捉者三年繳挨無名籍及丁盡戶絕  
者五年繳而部通以五年查催完銷蓋法精令具而  
無補於伍虛於是議者言國初爲兵取之亦多途

突取之多途。則人無定貫。人無定貫。則伍常實而不  
虛。今有定貫矣。籍有定貫。積二百年而欲伍無耗不  
可得矣。雖然。一夫一婦異世而爲族。積百九十年而  
謂丁無不足。更籍而爲軍。豈可哉。故莫如抽丁。夫莫  
非王臣。天下之大分也。人戶以籍爲定。國家之永  
制也。始而一軍。繼而餘。繼而屯。又繼而復。餘理勢之  
必有也。始而一軍。繼而絕。繼乃不絕。又籍而復。絕而  
遂絕。亦理勢之必有者也。絕者以理勢之必有。則罷  
其伍。餘者以理勢所有。抽其丁而籍之。以爲兵。亦豈

非乘除之道必至之理乎。今取兵於民日籍定矣。民不可爲兵矣。取之兵餘而復以賈愬守常已之。是亦幸絕者之不一也。卽不幸而絕者十二三焉。十四五焉。將不被堅而荷戈乎。戶丁單弱者其血食如線。是天民之無告者也。今執搏之拘係之以補伍。其期功林立。族大且茂者以賈愬守常而不及。亦烏在其爲絜。絜也。此其說欲更籍軍戶之丁多者別爲軍。以充伍。然民不可枉而爲軍。以軍凶戰危。不可以槩責之。民今旣占軍籍矣。充一軍不足。又更籍而二三之。豈

人情也。○哉。○于是撫郿陽都御史王世貞議從近改補者四。○便言應勾之戶樂於近不圖規匿爲吏胥利一應補伍者便水土不至困絕二近則不逃逃亦易跡三解戶不至破家四有是四便而百年莫以請者有三疑焉。○曰闕兵制也。○曰罪人之後也。○曰邊衛缺伍也。○今中外衛軍犯私罪則調衛於制非有闕也。○高

皇帝時軍惟梁克及從征二端已耳。○所謂罪謫者或糧賦違限也。○或工作誤式也。○甚或奏請小不合僚屬偶不和也。○又甚而死事之群從若親友也。○縱其身合

罪而今應補者日已遠又况未必真爲之後也至於  
邊○衛○之○缺○伍○固○所○當○慮○第○不○知○百○二○年○以○來○與○虜○戰  
而○得○一○階○半○勲○者○豈○嘗○有○一○清○勾○之○率○否○乎○楊○越○之  
民○性○不○耐○寒○黍○民○見○行○如○往○棄○市○中○土○之○不○堪○邊○戍  
蓋自古記之矣乞勅兵部行各清軍御史查缺伍  
有○邇○遠○應○勾○解○者○於○百○里○內○外○改○補○行○原○衛○所○註○銷  
惟○近○年○罪○犯○應○發○邊○遠○煙○瘴○充○軍○者○不○在○是○而○解○遠  
戶○役○責○有○司○量○僉○殿○寬○議○津○貼○毋○使○比○閭○受○困○而○嚴  
逃○伍○之○誅○其○民○兵○之○制○ 國○初○胡○漢○在○緒○雲○當○元○末

盜起慨然謂其友人曰軍旅錢糧皆民山也而今日之民其困已甚遂請于上令有田者米一石出一人為兵而就食之以一郡計之米二十萬石當得精兵二萬人軍無遠戍之勞官無養兵之費行之數年使所在強兵而財阜 正統十四年 令各處召募民壯就所在官率領操練遇警調用民壯之役蓋肇于天順初 令邊民有強壯願報効者募為士兵收附近衛所給與銀布鞍馬器械秋冬操練支與口糧春夏務農任支免其本戶糧五石差二丁以供給之

成化二年延綏守臣盧祥等言營堡兵少而延安慶陽邊民多驍勇習虜耐鬪若選作土兵練習調用必能奮力各護其家有不待驅使者兵部請勅御史點選其法取民丁壯者編成什伍號爲土兵原點民壯亦改此名其優恤之法每名量免戶租六百常存二丁贍其力役五石以下者三丁三石以下者四丁時得丁壯五千餘名委官訓練此陝西土兵之始也九年刑部主事張鼎疏曰今官軍對敵固有克捷蓋由腹裏官軍素係怯弱惟土兵驍勇而邊將多侵奪



其功故多畏避。宏立法召募時，加優恤，有功不得隱蔽。則士興，効勇嚮導可得矣。弘治二年，令州縣

選民壯，凡民二十以上五十以下，精壯者膺選。州縣七八百里者，里僉二各五百里者，里僉三各三百里者，四各百里以上者，里五各。春夏秋月操，二冬則操三歇。三遇警調集，官給行糧，每兵二十五人設總甲一人，小甲二人而議者曰：此寓兵於農，庶幾成周遺意。第行之者，惟從事朋合，混編顧募，項役而已，無實用也。蓋自國初分軍籍而來，民力農養兵，兵守戍

衛民天下久平衡所軍日耗而變劇 正統末 令

府州縣募民壯所在官率領操練有警調發而民復

有兵 弘治中籍太虛又 制州縣覈里數以僉民

壯而名額日以增 正德中計丁糧編機兵銀入歲

工食至七兩有奇大縣至累千金於衛兵外復取民

財購民而爲兵其後天下益多故財耗兵脆衛軍僅

名額而機快徒虛文力不能有捍禦每幅裏盜發輒

請調土漢狼達兵以抒難土漢狼達者故韃靼歸附

兵若川廣雲貴羈縻州司兵也道里曠遠往返動歲

計調且至盜輒鼠伏去復橫放而所調兵惟狼戾多  
暴又羈旅怨曠所過騷動敢奪有討不敢詰將領莫  
能制故諺有益來猶可軍來殺我之諺而糜費不費  
故召外兵以除內寇寇未平而民已大受其禍矣又  
永樂以前總兵無專官有事則命將事平還朝後緣  
邊方多事因留總兵官鎮守其地有小警卽調本鎮  
兵馬禦之不報捷焉後來有捷殺或掩襲以取勝者  
或七八十級或四五十級或三四路而併爲一路或  
二三日而詐爲一日槩以捷音奏報宣布于廷奏捷

者亦得陞賞遂開冒功之門至是濫極矣率至將多  
留賊以酤賞賊勢愈熾云時王文成守仁提督南贛  
江西湖廣廣東三省軍命兵備官於所屬州縣機快  
中選督力聽智驍勇者大縣十餘人小縣八九人為  
精兵每歲率各五六十人優廩餼署將領而汰其老  
弱不堪者取其工食為給募費因用以平盜而令在  
所團其民十家為甲家各置一牌備寫門戶籍貫丁  
口多寡生產藝業及往來寓宿姓名其中夕各輪一  
家臨門按牌為稽察奸盜無所匿已又令在所各推

衆信者一人爲保長於要地剗樓設鼓有警輒擊之  
保長號各甲并力掩捕而嚴官吏科罰騷擾之防自  
是撫督官守爲成法日有中嚴已復立黨正黨副衙  
長材長隣長等自相維轄而要地諸選兵結寨立墩  
臺備器械共追胥一專之於民益自嘉靖虜患充  
斥邊兵不足往往調省直客兵以戍邊如以浙兵戍  
薊鎮真定河間忠順軍戍居庸民不堪擾隆慶中  
議者于是請罷客兵以恤疲省練主兵以濟實用至  
萬曆初倭夷蠢動撫臣議訓練鄉兵戶科趙完壁上

疏日鄉兵之利有三而生擾有五嚴社其五害獨存  
其三法斯善矣何謂三利民無轉餉之勞士免征調  
之苦一利也倏忽緩急禍起變生枹鼓一鳴倉卒可  
集二利也人自爲兵家自爲敵有兵之實無兵之名  
三利也然此三利人人能知之亦人人能言之而利  
中之害法中之擾非目擊其弊者不能知也何者兵  
農之分已久一旦驅而爲兵民誰肯應之者勢不得  
不計丁照口而報派之里胥乘奸索賄富者以錢神  
而漏貧者以閭左而役有不然者里甲共出錢以募

其人而且指一科十矣。此其擾一也。派有名籍矣。器械所需官不給予。責之自備。在好貪之掾吏。又駕而爲查驗之說。民有弓弩者而責之。戈矛民有戈矛者。又責之。弓弩百方。刁勒必得。賄而後已。此其擾二也。器械驗矣。例應造冊以報。上紙工之費。安所從。辦官不肯出而責之。吏吏復稟官而派之。兵及其轉上之。府府吏又索賄而後收。不然則發回而重欲造矣。此其擾三也。冊已申矣。定期而操。有司之官。隨意晏蚤。或持兵日午而待不至。或晨夜已散而忽點查不到。

則有罰不中則有贖使民賣田宅鬻妻子而償此其  
援四也操有期矣訛言或至不查的實張皇四顧輒  
築城守露處宵立曠日靡工而民不獲息此其擾五  
也夫策策一夫借力而食父子待之爲哺今旣羈其  
身不得自養又令其蕩田宅鬻妻子以供百擾之費  
使民飲恨吞酸而不敢言此不北走胡南走越則多  
潢池之兵也是可不爲之慮哉臣愚以爲欲練鄉兵  
必先去五擾欲去五擾莫如寬厚之意多而束縛之  
政簡富家大姓計口分充單丁獨戶者可免也應用



器械官爲給予。或僅給之費。近日募兵之例。可比也。冊足以記名籍。紙字之美惡。格式之合否。不必大拘。官爲之亦可也。定操有期。蚤暮勿爽。有司勿怠玩。見戲視之餘。日放之歸農。不得故爲牽制可也。中者有賞。不中者不賞。少示懲戒。薄其鞭朴。勿迫之贖可也。去此五擾。然後民不稱病。而鄉兵之法可行。樂應者多。而訓練之實可加矣。上是之。十八年兵部尚書田樂陳防禦要機一查額兵通行邊腹省直各該督撫衙門備查所屬衛所若干。每衛原額兵各若干。逐

一查明缺伍者設置管操千把總官時加操演習其  
技藝令行伍充實兵皆精銳一簡民壯令督撫嚴督  
所屬府州縣將見在民壯脩行查選務湏身軀雄壯  
膂力過人技藝閑習者各結腰牌填寫籍貫所習器  
械編成隊伍捕官每月小操一次印官每季會操一  
次該道每歲巡閱一次餘日聽其自行逐隊演習不  
得仍差遣有妨訓練一練鄉兵撫臣嚴令所屬地  
方各于鄉邑之中年少力强者籍名在官授器仗于  
農隙之時令其訓練習熟既可彌盜又可保身該地

方仍不時程課之。且諭以訓練之意，潛消其邪心。不許逐隊排營往來，騷擾毋令在官人役假託查驗，以致妨業滋費。一嚴保甲，捕賊入京，往來無阻。至黔始被盤獲，皆保甲不嚴之故。宜行所屬地方，加意舉行。十家爲甲，立之長，十甲爲保，立之正。互相稽查，人相告戒。家報之甲，甲報之正。容隱事發者，一體坐連。如外來面生可疑之人，卽嚴盤詰。倘容留潛住，連坐不貸。此彌盜安民之上策也。詔允。行至若保甲者，始自宋熙寧襲用，至今而利猶可屈指數也。然而今之

利與宋同而其害與宋異有司行部往來墟落務明  
得意使民舍其穡事以相送迎甚乃緇保甲以爲穡  
科丁賦以充需簿尉下吏借名稽覈以爲利竇官股  
之保保股之甲甲股之戶一不盈欲則誣以它端民  
不○畏○盜○而○畏○吏○所○謂○長○若○正○者○又○多○豪○舉○桀○黠○因○是  
以○武○斷○於○鄉○甚○乃○自○爲○淵○藪○多○懼○見○整○莫○敢○誰○何○鄉  
村○蔀○屋○或○僻○隅○山○陂○守○望○不○相○及○而○槩○從○連○坐○使○民  
見○謂○保○甲○無○禪○于○民○而○反○以○茲○害○則○亦○不○善○用○法○之  
遇也宋之害變而增于法之外今之害緣而起于法

之內○然○其○過○在○有○司○有○司○誠○下○令○保○甲○曰○爾○專○主  
自○相○守○望○一○切○公○家○役○不○爾○及○平○居○吾○不○爾○稽○爾○務  
自○辦○治○卽○盜○發○吾○以○法○繩○其○後○長○正○非○其○人○衆○其○推  
擇○長○者○告○我○吾○爲○若○易○之○居○遠○不○能○相○守○望○者○告○我  
吾○爲○若○擇○便○近○者○更○附○之○持○此○之○令○必○信○果○而○曰○民  
不○稱○便○則○亦○不○善○議○法○矣○總○而○論○之○農○夫○終○歲○勤○動  
出○食○以○給○兵○兵○終○歲○嬉○遊○而○食○民○之○食○四○方○有○警○則  
調○集○者○民○兵○也○召○募○者○民○間○壯○夫○也○其○軍○興○百○費○又  
民○所○供○也○衛○之○兵○無○所○事○敵○挑○揀○之○議○一○出○于○口○則

怨望囂然且軍職傲睨執 祖宗之制以相攝噫

祖宗之制豈以軍儲爲養老周羸助嬉遊長子孫之

具耶去意不明民日疲而兵日弱當其任者可但徇

情取說苟安旦夕而已哉其又後國有事總兵者懼

喪師難諱而見短其將領又憚失伍當坐而受誅且

營伍空虛久不任調於是諸大盜起額軍不遣獨遣

州郡所僉壯兵以行卽率積死得不報也其最後國

儲殫乏適有故則增兵削兵銀取諸民急練募以已

難事稍靖則又名革兵減兵銀簪之以上供而費出

於○民○者○一○增○而○不○復○減○也○嗚○呼○ 國○家○養○兵○二○百○年○

此○其○費○安○出○出○於○民○也○曰○養○兵○以○衛○民○會○不○得○一○旅○  
一○卒○之○用○又○益○之○以○機○快○民○壯○機○快○民○壯○者○朋○戶○醜○  
金○而○克○之○者○也○不○足○又○益○之○以○保○甲○於○是○乎○盡○民○而○  
爲○兵○既○盡○民○爲○兵○矣○乃○其○初○祇○徵○稅○以○養○衛○兵○戶○醜○  
金○以○克○民○兵○者○如○故○曾○一○不○少○貸○也○是○衛○所○官○軍○既○  
已○養○之○又○從○而○驕○之○爲○民○者○既○讐○歛○之○又○驅○使○爲○兵○  
又○驅○而○代○之○死○也○豈○不○泰○甚○也○哉○則○知○古○寓○兵○於○農○  
因○地○爲○守○固○自○然○之○符○地○水○之○象○於○自○世○不○與○易○也○

時○平○內○地○則○專○之○於○農○靖○以○寬○簡○乘○時○暇○而○肆○之○訓  
練○事○亟○地○邊○則○一○之○於○兵○優○其○犒○撫○及○農○時○而○驅○營  
田○有○他○變○則○勤○訓○練○習○之○兵○適○三○月○而○精○矣○豈○必○額  
設○哉○且○夫○兵○未○有○不○以○多○故○狎○戰○事○能○精○者○也○善○乎  
崔○文○敏○銑○之○論○師○田○曰○ 國○家○有○漢○之○全○盛○無○其○強  
無○宋○之○苟○安○顛○其○弱○皆○由○士○業○草○率○登○仕○太○易○鮮○治  
經○世○之○學○官○多○牽○制○遷○代○太○數○不○予○專○斷○之○權○弛○而  
亡○支○莫○甚○於○兵○往○者○蕭○賦○劉○七○穿○窬○小○醜○耳○蔓○延○萬  
人○ 朝○廷○命○官○遣○將○費○三○省○之○財○訓○兩○鎮○之○師○僅○尾



之行莫能設伏出奇一鼓取績至狼山爲風所覆而後靖然且獻俘勒銘上下胥謹慶也舊制縣僉民壯倣古士兵而類以傭奴充宐制爲之法練拔悍勁習武事登其村武者守城緝盜休者力田樹桑鄉立保伍平居機察逋捉有警團結以守夫民貧爲小盜應倡以聚然後大鄉嚴則縣靖縣嚴則府靖推之天下皆然嘉靖癸未盜王堂起山東轉掠河南予守侍讀在朝大司馬彭公咨於銑曰非調邊兵不除矣銑曰賊恃一刃能驅民從盜朝廷賞罰明重顧不如

賊之劫乎前中原及蜀盜起咸用邊軍彼知內之弱而致輕今又籍之萬一恃功恣睢後難控御矣土兵未歷戰氣恒怯然謂保定達舍在前土兵從後而總之以一將古云習慣如自然既可平賊我兵亦練彭公如策行不數月王堂平然則調發不如召募召募不如清勾清勾不如練民壯用上兵之爲便也兵豈必額設哉

陳建論曰成周之世制兵籍于大司徒征行則屬之本司馬凡其有事以起徒役則皆前日之

農也。士不待選，皆吾民。將不更置，卽吾吏。居則聯其家，而爲比鄰；族黨出則聯其人，以爲伍兩。季旒父死而子繼，無招收之煩，而數不缺。自耕而自食，無廩給之費，而食自飽。豈非制兵之得其道與！然朝廷果能行弘治初令，州縣選取民兵之制，亦庶幾成周遺意，惜乎行而不終。惟從事朋合，混編僱募，頂役也。所以未合古未盡善與。或曰：子何以言今日衛兵之弊極也？曰：虛名而無實也。有虛而無益也。百害而無一利。

也。何也。今總計天下實在衛所官軍之數。猶踰

九十萬。除西北諸邊兵約三十萬。爲稍得其用。

其兩京及腹裏六十餘萬。徒爲贅物而已。且易

爲亂階。有司給糧稍不如期。輒群起。詬噪思欲

爲變。甚至戮辱官吏。焚掠居民。朝廷無如之

何。惟事姑息而已。今國家倉廩大費於兵。不

惟無一朝之用。而且伏無窮之禍。語曰。兵以衛

民。今有警。惟恐折傷官軍。顧驅鄉兵募打手。以

當寇。久役民以衛兵。嗚呼。有兵如此。不如無

之○兵○而○無○用○曷○若○已○之○而○議○者○猶○憂○軍○伍○之○不  
充○每○司○府○州○縣○各○置○清○軍○官○而○歲○差○御○史○督○之  
亦○拂○甚○矣○愚○謂○今○每○衛○縱○使○清○勾○填○補○克○滿○舊  
額○亦○不○過○徒○益○禍○胎○事○竟○如○故○不○若○罷○軍○勿○清  
停○清○軍○官○勿○置○而○從○事○於○選○取○民○壯○之○制○以○做  
寓○兵○於○農○所○爲○更○化○善○治○可○久○可○繼○夫○爲○國○不  
寓○兵○於○農○終○爲○苟○道○焉

蕭允升保甲議曰今保甲之令歲歲下矣保甲  
之冊邑邑具矣乃奸盜如故譏察鮮效十甲聯

籍填注姓字非不悉也間捕一盜按籍而稽姓  
非所姓名非所名卽欲治以不報之罪固已晚  
矣十甲爲保互援有約非不嚴也一家被盜九  
室閉戶未聞保內械送一賊卽欲治以不援之  
律亦已晚矣其不報者非真頑不率不援者非  
直悍不顧也守望無虞填入戶口隣圍有警動  
輒徵發民卽百死功不盡報閤門下捷罪止入  
援午夜出聞生死呼吸民豈肯以死傳金哉故  
罪之益嚴而匿之益深治之愈急而援之愈緩

其勢然也。媮吏慢若芻狗，斥爲文具者固不足  
誅。良吏行無左驗，輒勸而上之人不假之歲月，  
不寬之文法，故亦卒罔成功而保甲之說窮矣。  
愚嘗反覆維之，豈其法之罪哉？說者謂始于宋  
相王安石，當時攻之如拯溺，救焚而宋以罷，以  
爲鏤冰彩脂，未可必行而不知非始于王也。姬  
公用之周矣，五家爲比，使之相保，五比爲閭，使  
之相受，四閭爲族，使之相葬，五族爲黨，使之相  
救，五黨爲州，使之相調，此周之保甲也。而武以

王管子用之齊矣。五家爲軌，故五人爲伍。十軌爲里，故五十人爲小戎。四里爲連，故二百人爲卒。十連爲鄉，故二千人爲旅。五鄉一師，故萬人爲一軍。祭祀同福，死喪同恤，人與人疇。家與家疇，此齊之保甲也。而桓以霸魯，成公爲齊，難作丘甲。三甸增乘，每乘增甲，則魯恃此以敗齊，而歸汶陽之田。鄭公孫僑聽鄭政，都鄙有章。廬井有伍，與忠儉斃，泰侈則鄭恃此以抗秦楚，而存桓武之祀。商君相秦，令民爲什伍，而相收司連。



坐告奸者賞同斬敵。匿奸者罰同降敵。而孝公  
之後日強此圖伯之石畫。蘇威相階五家爲保。  
保伍爲閭。閭四爲族。皆有正副。畿外置里正。比  
閭正。黨長比族正。以相檢察。而開皇之業日隆。  
此混一之前籌也。仲長統之說雖未行之。漢而  
論則摯矣。其曰丁壯十人之中必有堪爲其什  
伍之長。推什伍已上則百萬人。又十取之則佐  
史之才。已上十萬人。又十取之則可使從政者  
萬人。以筋力用者謂之人人求下壯。以才智用

者謂之士士貴耆老故其法在明版籍以相數  
閱審什伍以相連挂益君長以興政理簡精悍  
以習師田則循周秦之遺法也王安石之法雖  
未究之宋而言則具矣其曰今天下之人鳧居  
鴈散聚而之四方而無禁也數千百年矣一旦  
使之什伍相維隣里相屬察奸而顯諸仁宿兵  
而藏諸用苟非其人急而行之民心搖矣故其  
法十家爲保五十家爲大保十大保爲都保選  
衆所服者二人爲都保正副凡保丁聽自置弓

箭習武藝則猶局齊之餘術也。自周迄宋法  
法殊大都官爲什伍互相譏糾。今之法非不令  
譏糾而粉飾。刑籍漫存攻戰則法不若古之精  
行法之法殊大都嚴于匿奸更相連坐。今之行  
法非不重連坐而制律稍輕。槩從未減則行法  
不若古之嚴。故今之議保甲者其爲法病不備  
而行法病在不必民固壅於踈而徹於密。驕於  
愛而聽於威矣。蛇虺覬鼠伏。裁堂棟雖有蟣虱  
不得宿短髮者其櫛比也。布帛尋常庸子不釋

鑠金百鑑盜踞顧而不撥者其手縻也故善爲  
治者在脩其法而必其刑也○今之法其未脩者  
牌籍具矣而老弱隸籍丁壯漏名則家戶貴賤  
也○保甲設矣而強宗袖手貧子荷戈則勞逸空  
均也○保伍聯矣而劍戟不利部隊無制則訓練  
空精也○救援約矣而征鼓不聞烽燧不舉則封  
疆空畫也○子弟兵矣而追呼搔之征調煩之則  
撫恤空勤也○庶幾比落衆白之徒皆習于攻殺  
止齊之方雖絕成陳雖散成行衆可合而不可

難力可用而不可疲則吳子所名父子之兵也  
今之行法其未嚴者事忌動衆民難慮始則整  
擾之謗宐禁也賊已就捕分員保結則黨惡之  
條宐繩也匿奸不舉罪止議杖則連坐之法宐  
峭也危至荼毒連罰衆保則坐視之律宐深也  
郡邑選悞不行其野則降罰之格宐申也庶幾  
正罰立威之欵不寬於隴畝鋤耨之夫赴之若  
驚用之若在國車不出於閭組甲不越於棗則  
子牙所云耒耜之守也夫法不備卽必行之威

無以收苟几之效。行法不嚴，卽已備之法，無以勝姑息之弊。惟備之而行之，而必甲以外鄉道者，無所歸，接濟者無所出，而海寇之源，杜甲以內，強梁者無敢躍，狐鼠者無敢嘯，而山嵐之隙，塞竊意。今日宇內之勢，舍是無以爲消矣。雖然，什伍糾察，勢無所容於陸，不得不蕩于舟。東南之地，其川處而艇漁者，強半愚以爲溪渚舟保之聯，當猶之陸焉。舟可聯保，卽可畜衆，伏險於順，藏動於靜，愚以爲溪渚哨兵之船，當防之。

川焉密察繩糾，幾見淵魚而化，誨教道不若鸞鳳，愚以爲藍田呂氏之約當習之，鄉焉粵習六博爰及于楮子，未勝冠弁髦詩書萌芽未剪遂厓斧柯愚以爲古者社舉之制當講之，社焉事制曲防糜盜手足天災流行饒饒荐隣魚擁蟻屯勢惡能制愚又以爲朱子義倉之法當勸之保焉辟之保甲君也保身哨兵鄉約社學義倉佐也君以主之佐以使之若是而風俗不同巧拙不齊性情不親鬪訟不弭者未之有也然則

農戰不索權。救守不索助。而水陸二師不幾靡。  
贅乎。不知衆已聚者不虛散。兵已屯者不徒歸。

是未可遽議撤也。保甲之行。命之曰土著。以資  
墨守而止。如堵牆水陸之師。命之曰客子。以備  
輪攻而動。如風雨。攻守之形不相兼也。顧又之  
則兵勢稍輕。兵禍稍銷。何也。自寇難以來。人之  
望兵如禾黍之望陰雨也。而兵亦自恃其力。曰  
東南室家非我輩莫保有司。浚民膏脂奉如驕  
子。調發則所過蠲轢毒如虐寇。安居則嘯呼聲



伍挾壓官司頃者栢林之亂東山之變蓋殷鑒  
矣有如保甲威嚴團練精民鄉遂皆卒伍胥徒  
彼一脫巾吾則懷甲如子弟救父母又安所不  
克乎則是役也不直可以防外寇且以陰折容  
兵不肖之心非制勢方張銷禍未釁之上策哉